


DS
735
A2Y86
17712
V. 57



御批歷代通鑑輯覽卷之一百十三

明

熹宗皇帝

辛酉天啟元年春二月遼陽有數日並出。

閏月孫如游罷。

如游入閣言者詆其不由廷推交章論列如游亦屢乞

去帝輒慰留至是疏十四上乃許之後四年卒贈少保諡文恭

三月我

大清兵取瀋陽遼陽經畧袁應泰巡按御史張銓字宇衡泌水人等

死之。

應泰議三路出師復清河撫順未行我

廷推為明季弊政前已具論之孫如游以講幄舊恩熹宗特為簡用即未必遂稱得人之慶而命相出自朝廷實事當而理正乃當時言路輒以其不由推舉妄肆詆譏交章論劾必欲去之而後已如游亦遂抗疏不安屢疏乞退熹宗竟付之無可如何是廷臣直

忘馭貴之權當操之自上
公然把持揆席爭壘猜
朝綱制置至此不亡何待

大清兵已薄瀋陽。總兵賀世賢等嬰城固守。

大軍奮勇縱擊。城外兵七萬人皆潰。世賢戰死。總兵尤世

國卿張綱知州段展同知陳城遂拔。總兵陳策李秉誠

等聞警赴援。

大兵分路擊敗之。策死焉。秉誠等遁去。策與總兵童仲揆

世賢敗沒欲旋師遊擊周敦吉不可乃與副將戚金參

將張名世吳文傑都司袁見龍鄧起龍石砭都司秦邦

大兵乘勝直趨遼陽。應泰撤奉集威寧諸軍并力守禦。引

水注壕沿濠列火器兵環四面。

大兵掘城西間以洩濠水分兵塞城東水口擊敗諸將。總

梁仲善陣亡侯世祿姜遂渡濠薄城。應泰與銓等分陴

弼皆負重傷潰圍出

固守我

大清左四旗兵先登城。城中拒戰達旦。守城官牛維曜、高

出等俱縊城遁。城中大亂。翌旦。右四旗兵亦登城。應泰

居城北鎮遠樓。知事不濟。太息謂銓曰。吾當死于此。公

無城守責。宜急去。退保河西。時以遼河之東為河東。遼河之西為河西。圖後

舉銓不可。應泰遂佩劍印自經死。婦弟姚居秀從之。僕唐世明。愚屍大慟。縱

火焚樓死。銓被執。諭之降。不屈。令還署。北向拜闕。遙辭父母。

乃縊死。我

大清命禮葬之。副使何廷魁懷印綬。率其妾高氏、金氏。投井死。婢僕從者六人。僉事崔儒秀戎服自

經于都司署。轉餉同知陳輔堯、段展及都司徐國全皆自到死。何廷魁字汝謙。大同人。崔儒秀字儼初。陝州

人。陳輔堯揚州人。段展涇陽人。遼陽既下。遼東之三河等五十寨及河

東大小七十餘城皆望風降。

時沿海居民奔竄者皆航海走山東其不能達者棲

止各島間援遼都司毛文龍率師至皮島島在登萊大海謂之東江地廣衍有險可恃文龍招集逃民為兵分布哨船聯接登州為犄角計朝議是之授文龍參將文龍仁和人

夏五月壬申朔日食。

以王化貞

諸城人

巡撫廣寧。

化貞前以參議分守廣寧頗得西部心及遼瀋繼失廷議推化貞為巡撫時廣寧止戍卒千餘化貞招集散亡復得萬人激厲士民聯絡西部人心稍定然化貞素無大略不習兵事欲恃西部為援遂以登萊天津兵可不設諸鎮入衛兵可止時謂其才可倚議悉從之。

立皇后張氏。

祥符人

明事至嘉宗勢已一蹶不振況復身親賤伎欲與巧匠爭工其為客魏錫破實山自取但自古閹奴乘隙為奸亦自師承有本如秦趙高侯二世燕樂從令李斯奏事以激其怒唐仇士良教其黨云天子不可令

太監魏忠賢

即魏進忠賜名

矯詔殺司禮太監王安

忠賢與客氏

思安持正

嗾給事中霍維華

東光人

劾之矯

旨充南海子淨軍絕食三日不死遂撲殺之客氏淫而

狠忠賢不知書頗強記猜忍陰毒好諛帝深信之兩人

愈相結用司禮監王體乾

昌平州人

及李永貞

通州人

石元雅

涂文輔等為腹心凡章奏永貞等先閱視鈐識欵要白

忠賢議可不然後行

帝性機巧好親斧鋸椎鑿髹漆之事每引繩削墨忠賢輒奏事帝厭

之謬曰朕已悉矣汝輩好為之忠賢因得擅威福

六月起熊廷弼經略遼東以張鶴鳴

字元平潁水人

為兵部尚書

初廷弼雖罷帝念其守遼功仍議起用及瀋陽遼陽繼

失京師大震劉一燝曰使廷弼在當不至此帝乃貶馮

常閒宜娛其耳目無暇及他事然後吾輩可以得志觀忠賢故智前後如出一轍可見宵小肺腸不謀而合無如昏庸者明知覆轍而蹈之

三元等而削姚宗文籍召廷弼于家廷弼至建三方布

置策廣寧用馬步兵列壘三分河

亦曰三汊河在奉天府海城縣西南遼河

至此合太子河入海即古遼澤也

上天津登萊各置舟師設登萊巡撫

如天津而山海特設經略節制三方以一事權遂命廷

弼駐山海關經略軍務賜尙方劍及行四宴之郊外命

文武大臣陪餞異數也先是主化貞部署諸將沿河設

六營營置參將守備分守諸要害議已上廷弼謂今日

但當固守廣寧不宜分兵防河兵分則力弱倘一營不

支則諸營皆潰又焉能守化貞議遂不行愠甚盡委軍

事于廷弼廷弼請申諭化貞不得藉口節制坐失機宜

由是經撫不和廷弼又言三方建置須聯絡朝鮮與登

萊聲息相通。乞給臣空名劄付百道。募山東礦徒有能結聚五百人以上者。卽署守備都司。如此則一二萬勁兵可立致。帝卽從之。未幾我

大清鎮江

注見前

守將陳良策潛通于毛文龍。文龍遂引兵

取其城。王化貞遽以大捷奏。舉朝皆喜。亟命發天津登萊水師二萬。拔文龍。化貞督廣寧軍四萬進據河上。合諸蒙古軍乘機進取。廷弼遺書中朝言兵力未集。文龍發之太早。亂三方並進之謀。誤屬國聯絡之算。時朝士方以鎮江爲奇捷。聞廷弼言多不服。而化貞再疏請出師。且言勢在必克。兵部尙書張鶴鳴深以爲然。奏言時不可失。請令廷弼進駐廣寧。薊遼總督王象乾

注見前移

鎮山海化貞卽渡河進師廷弼不得已出關次右屯明

廣寧右屯衛今廢故城化貞無功而還化貞為人驍而

在錦州府錦縣東南永芳可倚為內應又信西部言許助兵四十萬遂欲以

不戰取全勝一切士馬甲仗糗糧營壘俱置不問務為

大言以罔中朝尚書鶴鳴深信之所請無不允而于廷

弼奏輒從中阻格廷弼憤甚抗疏言臣有經略名而無

其實遼左事惟樞臣與撫臣共為之鶴鳴益恨當是時

廷弼主守力言永芳必不可信西部必不可恃而化貞

一切反之絕口不言守且謂仲秋之月可高枕而聽捷

音已而廣寧人見河水合紛傳兵至奔竄四出化貞乃

始議守而鶴鳴請勅廷弼出關策應廷弼上言樞臣第

知經略一出足鎮人心而不知徒手之經略一出其動

搖人心更甚言甚切至鶴鳴促之廷弼乃議以重兵內

秋九月葬慶陵在昌平州天壽山西峯之右

名在廣寧縣西南金元時置縣于此明廢今為驛西平

亦堡名在鎮武東羅一貫甘州衛人

謚曰貞皇帝。廟號光宗。

明史贊曰。光宗潛德久彰。海內屬望。而天不假年。措施未展。三案構爭。黨禍益熾。可哀也夫。

四川永寧

注見前。

土司奢崇明反。

永寧奢氏。自洪武後。世爲宣撫司。傳至奢崇周。無子。崇

明以疎屬襲外恭。內陰鷲。其子寅。尤驍桀好亂。時朝廷

方遣官募川兵援遼。崇明父子請行。先遣土目樊龍。張

彤等。領兵詣重慶。巡撫徐可求

衢州西安人。

議汰其老弱。龍

等遂反。殺可求。及道府總兵官二十餘人。據重慶。分兵

攻合江。納溪。破瀘州。陷遵義。興文。

故九經蠻地。萬歷中置縣。事見前。知

縣張振德

字季修。崑山人。

死之。崇明統所部與徼外雜蠻。凡數

萬。播州遺孽及諸亡命奸人。蠭起附之。全蜀震動。乃進

圍成都偽號大梁設丞相以下官左布政使朱燮元

字懋

種浙江山陰人將入覲蜀王以亂留治軍事燮元急趣近道兵

赴援偕右布政使周著

南昌人

按察使林宰

漳浦人

等分陴

固守賊攻城急四面立望樓高與城齊又潛納其黨城

中爲內應燮元捕獲之斬二百餘人又命死士突出斬

三賊帥焚其樓賊少懾已而援兵漸集石砭女土官秦

良玉

忠州人嫁宣撫使馬千乘千乘死代領其衆

先遣其弟民屏發兵四千

倍道潛度重慶自統精兵鼓行而西復新都他路援兵

亦連勝賊然賊亦日益增

忽有賊數千自林中大譟而出擁物如大舟一人披髮仗

劍上載羽旗中數百人各挾機弩毒矢旁翼兩雲樓曳

以牛俯瞰城中城中人皆哭燮元曰此呂公車也乃用

巨木爲機關轉索發礮飛千鈞石擊之又以大礮擊牛牛返走賊大敗去相持百餘日會賊

將羅乾象遣人輸款願殺賊自效。燮元許之。令誘崇明至城下。伏起。崇明跳免。乾象即于是夜縱火焚營。賊兵

亂。崇明父子倉皇走瀘州。乾象以衆來歸。成都圍解。

以下事俱在明年燮元亦已授四川巡撫。帥師追崇明。乘勢復州

縣衛所四十餘。惟樊龍扼重慶不下。燮元督良玉等奪

二郎關。在重慶府巴縣西北據其險。佛圖關。在巴縣西。即李嚴欲

亦爲總兵杜文煥所破。諸將迫重慶而軍。城中乏食。燮

元以計擒樊龍殺之。張彤亦爲亂兵所戮。遂復重慶。瀘

州尋亦復。

冬十二月。罷吏部尙書周嘉謨。

神宗末。齊楚浙三黨爲政。黜陟之權。吏部不能舉。及嘉

謨爲尙書。大起廢籍。向稱三黨之魁者。漸自引去。惡霍
維華傾狡。出之外。魏忠賢怒。嗾給事中孫杰錢塘人劾嘉
謨。受劉一燝屬。爲王安報仇。嘉謨遂罷歸。

王戊二年春正月。我

大清兵取西平堡。王化貞棄廣寧。與熊廷弼走入關。

先是。化貞凡五出師。輒引還。

八。九。十月。皆一出。十一月。則再出。李永芳不應。西部

亦不

廷弼乞勅化貞慎重舉止。化貞上言。臣願請兵六

萬。一舉蕩平。時葉向高當國。化貞座主也。頗右之。廷臣

惟少卿何喬遠

字稚孝。晉江人。

御史江秉謙

字兆孫。歙人。

周宗建

字季

侯。吳江人。

等與廷弼合。餘皆石化貞。令母受廷弼節制。廷弼

抗疏言。臣以東西南北所欲殺之人。適遘事機難處之

會。諸臣能爲封疆容。則容之不能爲門戶容。則去之。何必內借閣部。外借撫道以相困。又言經撫不和。恃有言官。言官交攻。恃有樞部。樞部佐鬪。恃有閣臣。今無望矣。帝令羣臣議。兩人去留。時中外俱知經撫不和。必誤封疆大事。而張鶴鳴篤信化貞。請撤廷弼他用。帝不從。責再議。議未上。而我

大清兵已西渡遼河。攻西平堡。招副將羅一貫降。不從。布梯楯進攻。克之。一貫死。會化貞遣遊擊孫得功。參將祖大壽。合總兵祁秉忠赴援。廷弼亦檄總兵劉渠會師前進。與

大清兵遇。乘機急戰。

大兵飛馳突入奮射衝擊得功遽奔呼曰兵敗矣諸軍皆走。

大兵追擊至平陽橋渠秉忠及副將劉徵參將黑雲龍等皆死之全軍盡沒大壽走覺華島得功請降得功素爲化貞心腹及是欲生縛化貞以爲功時

大清兵頓沙嶺

在廣寧縣東

未進得功揚言兵已薄城居民驚

竄參政高邦佐

字以道襄陽人

禁之不能止化貞方闔署理軍

一書不知也參將江朝棟排闥入大呼曰事急矣請公速

去化貞莫知所爲朝棟掖之出上馬僕二人徒步從遂

棄廣寧踉蹌西走先是廷弼已離右屯次閭陽驛聞敗

參議邢慎言

益都人

請馳救爲僉事韓初命所阻遂退還

及是與化貞遇大凌河。化貞哭。廷弼微笑曰。六萬衆一

舉蕩平。竟如何。化貞慚。議守寧遠。

注見前。

及前屯。

明以元瑞州置。

廣寧前屯衛。今廢。故城在寧遠州西南。

廷弼曰。已晚。惟護難民入關可耳。

乃以已所將五千人授化貞爲殿。盡焚積聚。與副使高

出。

萊陽人。

胡嘉棟。

西華人。

等先後入關。獨邦佐留松山自經。

死。我

大清兵入廣寧。凡四十餘城皆下。遂進克義州而還。敗聞

至京師。鶴鳴懼罪。因自請視師。給事中侯震暘。

字得一。嘉定人。

少卿馮從吾。

字仲好。長興人。

董應舉。

字崇相。閩人。

何喬遠請並逮廷

弼。化貞以伸國法。獄具。二人並論死。鶴鳴尋亦罷歸。

二月。貴州水西土目安邦彥反。

邦彥水西宣慰使安堯臣族子堯臣死子位幼位母奢

社輝攝事社輝奢崇明女弟也嘗與崇明子寅爭地相

仇而邦彥素懷異志與崇明合及崇明反或傳其已陷

成都邦彥遂挾位以叛為崇明聲援自稱羅甸大王率

兵首襲畢節明衛今為縣屬貴州大定府陷之諸部頭目蠡起為助

乃分兵西破安順注見前霑益元州今屬雲南曲靖府東下甕安明縣

今屬貴州偏橋明長官司今屬貴州鎮遠府而邦彥自統水西軍渡

陸廣河在貴陽府修文縣境其上游出安順府日滴澄河下流入遵義府為烏江直趨貴陽

當是時永寧未平水西復起貴陽城中藩臬守令咸入

覲巡撫李樞字長孺方受代已乞休聞變與巡按御史

史永安武定人提學僉事劉錫元長洲人悉力拒守學官及諸生亦

督民兵分守賊攻不能克則沿巖置柵斷城中出入鎮將

張永芳率兵二萬赴援隔龍里法見前不得進諸將馬一

龍白身強皆戰歿外援遂絕賊攻城益急城中糧盡人

相食先食糠覈草木敗草皆盡遂食死人肉後乃生食人至親屬相噉里居參政潘濶民一女被食知縣

周思稷至自而死守不遺餘力中朝方亟遼事不能顧

久之新撫王三善字彭伯永城人始分兵三道進奪龍里城擊

殺安邦俊水西別部頭目與邦彥同反者邦彥駭走遂乘勝抵貴陽城

下先以五騎傳呼曰新撫至矣舉城懽呼更生貴陽被

圍十餘月城中戶十餘萬至是僅存二百人而孤城卒

全皆標及永安錫元功也時議與朱燦元之守成都並

稱焉

以孫承宗

字稚繩。高陽人。

爲兵部尙書兼東閣大學士預機務。

承宗以知兵名。廣寧旣失。東事益急。遂進大學士。又從御史左光斗請。命承宗以閣臣理兵部。承宗疏言。邇年兵多不練。餉多不核。以將用兵。而以文官招練。以將臨陣。而以文官指發。以將備邊。而日增置文官于幕。以邊任經撫。而日問戰守于朝。此極弊也。今當重將權。擇沉雄有氣略者。授之節鉞。如唐任李郭。自辟置偏裨以下。邊事小勝小敗。皆不必問。要使守關無闌入。而徐爲恢復計。因列上撫西部恤遼民減京軍增永平大將修薊鎮亭障開京東屯田數事。帝嘉納焉。

三月。劉一燝罷。

先是言官交章論沈淮。淮疑一爆主之。與魏忠賢比而
齟一爆。及周嘉謨罷。一爆屢疏乞休。許之。葉向高言。客
氏既出復入。一爆顧命大臣。乃不得比保姆。致使人揣
摩于奧突。不可知之。地其漸當防。不納。先是客氏已遣
出宮。帝思念不
食。遂宣諭復入。給事中侯震陽上言。禮有慈母。猶恩以
義絕。況么麼里婦。何可出而復入。宮闈禁地。內外鈎連。
借叢楊竈。有不忍言者。昔王聖寵而煽江京。李閔之奸。
趙嬖寵而搆曹節。王甫之變禍貽宗社。良可寒心。帝不
省。故向高以為言。一爆後坐誤用。熊廷弼削奪。崇
禎初復官。至八年卒。贈少師。福王時追諡文端。

舉內操

魏忠賢勸帝選武闈鍊火器。又日引帝為倡優聲伎。狗
馬射獵。給事中惠世揚。周朝瑞。御史江秉謙等。劾沈淮
交通閹人。弄兵大內。中旨切責。侯震陽黃尊素。字真長。
餘姚人。

等先後疏諫皆不聽

明年丙操增至萬人。袁甲出入鉅礮喧震內外。

夏四月禮部尚書孫慎行追論前輔方從哲進紅丸罪

慎行召為禮部尚書既至即追劾李可灼進紅丸事斥

從哲為弑逆

疏言可灼紅丸乃首輔從哲所進夫可灼官非太醫紅丸不知何藥乃敢突然以進

昔許悼公飲世子藥而卒世子即自殺春秋猶書之為弑然則從哲宜何居速引劍自殺以謝先帝義之上也合門席藁以待司寇義之次也乃悍然不顧至舉朝共攻可灼僅令回籍調理是誠何心許世子以死愛父猶不能自明從哲之愛先帝于何處明乎臣以為從哲縱無弑之心却有弑之事次辭弑之名難免弑之實恐百口無能為天下萬世解也從哲久居京師近習多為之地慎行疏上

帝以舊輔素慎事係傳聞下廷臣集議都御史鄒元標

主慎行疏從哲奏辨自請削官階投四裔帝慰諭之給

事中魏大中

字孔時嘉善人

以九卿議久稽趣之時議者一百

十有餘人。紛紛俱欲罪從哲。獨刑部尙書黃克纘

字紹夫晉

人。及給事中汪慶百等。數人右之。希內廷意也。于是大

學士韓爌。述進藥始末。尙書張問達等合奏。言慎行論

可灼進紅丸事。可灼先見內閣。臣等初未知。及先帝召

見乾清宮。輔臣與臣等言。俱慎重未敢決。及宣臣等入

宮。先帝問可灼安在。可灼至。進紅丸。少頃復進一丸。先

帝服藥微汗。身溫熱。就寢。臣等所共聞見。輔臣視皇考

疾。急迫倉皇。弑逆二字何忍言。但可灼非醫官。且非知

醫知脉者。以藥嘗試。先帝龍馭卽上昇。非但從哲未能

止。臣等亦未能止。均有罪焉。乃從哲反賚可灼。及御史

王安舜有言。先止罰俸。繼令養疾。失之太輕。何以慰皇

考服中外。宜如從哲請。削其官階。爲法任咎。至可灼罪。不容誅。而崔文昇當皇考哀感時。妄進大黃涼藥。罪又在可灼上。法皆宜顯戮。以洩公憤。議上。可灼遣戍。文昇放南京。而從哲不罪。未幾。慎行引疾去。大雨雹。

御史周宗建謂陰盛陽衰之徵。疏陳四事。一攻大學士沈淮。一請寬建言廢黜諸臣。一言熊廷弼已有成獄。不當因此羅織朝士。一專詆魏忠賢。言忠賢目不識丁。陰賊險狠。陛下用人行政。一切墮于其術。恐離間之漸。將起于蠅營。讒構之釁。必生于長舌。忠賢見疏。恨刺骨。五月。有星隨口晝見。

主森以邪術倡教廣聚妖徒蔓延數省實為地方大害卽當嚴急窮治以永靖根株乃森既捕錄有司尙令其倖逃三尺而其子及徒黨又持概加寬縱遂致遺孽復滋敢于盜弄潢池所至悉遭殘破總由政刑叢弊匪徒無所畏懲而妖賊橫行益亦亡徵之先見耳

山東白蓮賊徐鴻儒作亂

初薊州人王森得妖狐異香

森嘗救一妖狐狐斷尾令藏之招人人間異香多歸

附之倡白蓮教自稱聞香教主其徒有大小傳頭及會主

諸號蔓延畿輔山東山西河南及陝西四川後森為有

司所攝斃于獄其子好賢及鉅野徐鴻儒武邑于宏志

輩踵其教徒黨益眾至是好賢見遼東盡失四方奸民

思逞與鴻儒等約是年中秋並起兵會謀洩鴻儒遂先

期反自號中興福烈帝稱大成興勝元年用紅巾為識

遂陷鄆城俄復陷鄒滕嶧三縣鄒縣五經博士孟承光

字永觀

被執不屈死滕縣知縣姬文允

字士昌華州人

視事甫

三日城破登堂自經死

以印界小吏魏顯照及家僅李守務賊掠顯照索印顯照潛授

其父而與守務並罵賊死。時承平久。郡縣無守備。山東故不置重兵。

巡撫趙彥

膚施人。

練民兵。增諸要地。請留京操班軍。及廣

東援遼軍。以備征調。薦起故大同總兵官楊肇基。統山東軍討賊。賊乘肇基未至。襲兗州。爲滋陽知縣楊炳。及都司楊國棟所敗。已而犯夏鎮。韓莊。劫掠漕艘。官軍連破之。運道始通。賊又攻曲阜。知縣孔聞禮率民兵拒守。賊不能克。引去。時賊精銳聚鄒滕間。彥欲攻鄒縣。副使徐從治

字仲華。海鹽人。

曰。攻鄒滕難下。不如擣其中堅。兩城可

圖也。彥乃與肇基令游兵綴賊鄒城。而以大軍擊賊精

銳。感而殪之。嶧山。遂圍鄒。大小數十戰。城未下。乃令天

津僉事來斯行

蕭山人。

及國棟乘間復滕縣。國棟又大破

賊沙河乃築長圍困之。賊食盡。其黨皆出降。鴻儒單騎走。擒之。送京師。磔于市。鴻儒臨刑。嘆曰。我與王好賢父子。經營二十年。徒黨不下二百萬。事不成。天也。鴻儒舉事。凡七月而滅。方鴻儒未滅時。于宏志亦起兵武邑。應之。為諸生葉廷珍所獲。王好賢亦捕得。皆伏誅。論平賊功。趙彥加兵部尚書。餘進秩有差。復以言官請。修復孟廟。恤孟氏子孫。

六月。以毛文龍為平遼總兵官。

先是。文龍襲取鎮江。報巡撫王化貞。而不及經略熊廷弼。兩人隙始開。用事者方主化貞。遂授文龍副總兵。累加左都督。至是。掛將軍印。賜尚方劍。設軍鎮皮島如內地。東江雖踞形勢。而文龍素無大略。惟務廣招商賈。販易禁物。無事則鬻參。販布為業。有事亦罕得其用。

秋。七月。沈淮罷。

刑部尙書王紀

字維理。芮城人。

再疏劾淮。比之蔡京。淮亦劾紀。

庇熊廷弼獄。

廷弼薦遼陽佟卜年爲監軍僉事。張鶴鳴行邊。以下年嘗通李永芳。欲因以甚廷弼之罪。鎮撫司獄具移刑部。紀與員外郎顧大章辨其誣。改輕比。故淮劾之。

顧大章字伯欽。常熟人。詔兩解之。未幾。紀削籍去。葉向高言。紀。淮交攻。俱失大臣體。

獨斥紀。如公論何。淮不自安。乃引去。

自淮首進募兵之說。締交閹寺。遂開

內操。朝議惡之。歸後逾年卒。

八月。以孫承宗經略薊遼。

初。廣寧旣失。關外五城七十二堡。悉爲喀爾沁諸部所

據。聲言助邊。實懷窺伺。經略王在晉

字明初。太倉州人。

與薊遼

總督王象乾請給月糧。歲費百萬。又請築重關于八里

舖。

在山海關外。

設守兵四萬人。寧前兵備僉事袁崇煥

字元素。東

莞人。以爲非策。白之葉向高。向高不能決。承宗請身往定

之。乃馳詣關門。相度還奏。築重城。不若築寧遠要害。與

覺華島相倚角。因言在晉不足任。自請督師。帝許之。賜

尙方劍。御門臨遣。以寵其行。承宗既至關。定軍制。申明

職守。以馬世龍字蒼元。寧夏人。爲總兵官。令遊擊祖大壽等守

覺華島。副將趙率教陝西人。守前屯。前後築城堡數十。練

兵十一萬。造鎧仗數百萬。開屯田五千頃。會我

大清兵不深入。而承宗防守嚴。亦不致敗衄。軍聲頗振。初。

宗之督師也。辟職方主事鹿善繼爲贊畫。薦監軍副使

閻鳴泰爲遼東巡撫。帝皆從之。及至關。命善繼治軍儲

而以鳴泰無實畧。軍事多不與議。鳴泰怏怏求去。承宗

亦引疾。帝乃罷鳴泰。諭留承宗。以張鳳翼爲巡撫。鳳翼

怯。力主守關議。承宗不可。復出關抵寧遠。集將吏議所

乃定。命大壽興工。崇煥及滿桂守之。承宗將圖大舉。請
餉二十四萬。帝即命所司給之。兵工二部相與謀曰。餉
足。渠即妄為矣。故用文移往復緩之。師竟不果出。鹿
善繼。字伯順。定興人。張鳳翼。代州人。滿桂。蒙古人。初入
中國。居宣府。

九月。增田賦。

時增州縣兵。計畝加餉。從御史馮英請也。

封弟山檢為信王。

即莊烈帝。

冬十月。左都御史鄒元標。副都御史馮從吾罷。

初。神宗時。元標從吾以建言削籍。里居講學。垂數十年。

泰昌初。兩人始召用。已而同官都察院。乃共建首善書

院于京師。

御史周宗建董其事。大學士葉向高為之記。

朝暇。與同志高攀龍

等。講學其中。名望日重。而諸不附東林者。咸忌之。會明

都門非講學之地。朝官非
講學之人。鄒元標等身列
太寮。自當以政務為重。顧
猶循里居餘事。而于釐黻
近地設籬分茅。自高壇玷
實非大臣所宜。自處無諭
招聚生徒。易涉黨援形迹。

卽撥之宋時四大書院遺
意入地亦迥不相侔豈非
僞名而失其實乎在羣小
憎其伉直借事生風力爲
攻訐甚至殃及先師本主
其奸邪固不足責然元標
等不從黃尊素之言致鼠
輩得藉爲口實貽禍清流
自檢亦已疎矣

年當京察給事中朱童蒙郭允厚

曹州人

郭興治慮爲元

標所黜童蒙乃首劾之以講學爲門戶元標疏辨去

帝已慰留允厚復繼劾語尤妄誕而魏忠賢方竊政傳

旨謂宋室之亡由于講學將加嚴譴從吾言宋之不競

以禁講學故非以講學故也葉向高亦力爲解且乞同

去乃得溫旨而興治復力攻比元標于山東妖賊元標

從吾遂並引歸先是書院方建御史黃尊素謂元標曰

都門非講學地徐文貞已叢議于前矣

謂徐階

元標不能

用及是尊素言果驗

元標從吾既歸羣小擊碎其碑暴

典籍盡被焚燬而院獨存後崇禎中禮部尙書徐光啟

率西洋人湯若望等借院修歷署曰歷局

子先上

海人

癸亥

三年春正月

以顧秉謙

崑山人

朱延禧

聊城人

朱國楨

字文寧，烏

程人

魏廣微

南樂人，允貞子

並為禮部尚書兼東閣大學士預機務

廷推閣臣首列孫慎行盛以宏

字子寬，潼關衛人

皆不用時魏

忠賢用事謀結外廷諸臣秉謙廣微率先諂附遂援二

人入閣

時閣中已有葉向高韓爌何宗彥朱國祚史繼偕又驟增四人直房幾不容坐秉謙廣微庸劣

無恥忠賢得為羽翼勢益張而二人曲奉忠賢儼如奴役

紅毛夷

即荷蘭明史謂之和蘭在西南海中地近佛郎機其人深目長鼻髮眉鬚皆赤故又曰紅毛夷據

澎湖

島名在今泉州府東海中與金門所相對宋史泉州東有海島曰澎湖煙火相望即其地也

神宗末紅毛夷侵奪臺灣地

在福建東南海中古曰東番今為府屬福建省治

築室耕田久留不去後又出據澎湖犯漳州海澄

明縣今屬

漳州府

已復入廈門

在泉州府同安縣西南海中嘉禾嶼有城提督總兵官分巡道及府同知

將以宦官十道巡邊弊
仿效嘉崇果欲洞
悉則于一切奏報虛
心體察何慮為將帥所朦
若中官出使方隅不過恣
睢自肆其愛憎顛倒所言
又豈可憑乃欲藉若輩為
耳目謂可盡得邊情何異

遣中官刺邊事

同駐官軍禦却之。仍築城澎湖以居。已而巡撫南居益
此。字思受。渭南人。請于朝發兵出擊。事在四年。迄數月。番人始揚帆去。
而渠帥高文律十二人據高樓自守。諸將破擒之。澎湖
之警始熄。其據臺灣者自若也。明史外國傳荷蘭本國
去中華絕遠。華人未嘗
至。其所恃惟巨舟大礮。舟長三十丈。廣六丈。厚二尺餘。
樹五桅。桅下置二丈巨鐵礮。發之可洞裂石城。震數十
里。世所稱紅夷礮。即其製也。柁後置
照海鏡。大徑數尺。能照數百里云。

帝好察邊情。常遣中官詣關門。具事狀奏報。名曰較事。
及魏忠賢竊柄。遣其黨劉朝等四十五人。賁甲仗弓矢。
白金文綺。先後至山海關。頒賚將士。實覘軍也。孫承宗
疏言中使觀兵。自古有戒。帝不省。

使學者將命驚者導行乎
况塚八竊柄方欲借兵事
以自賞逞威臺景又從而
傳之以翼傳亦甚矣

三月太白晝見。

夏四月朱國祚罷。

國祚在閣素行清慎事持大體及是十三疏乞休遂許

之未幾史繼偕亦致仕。

先是刑部尚書王紀為魏忠賢所逐國祚疏救復具揭爭之紀

為禮部侍郎嘗以事忤國祚者也人以是稱國祚長者歸後家無餘貲踰年卒贈太傅諡文恪

五月四川總督朱燮元克永寧奢崇明走龍場。

在四川敘永廳永寧

縣東南與貴州大定府畢節縣接界今為營有守備駐此考此又一龍場非王守仁所謫之龍場驛也驛已注前

先是川兵既克重慶貴州兵亦復遵義已而遵義再為

賊所陷推官馮鳳雛被殺朝議加燮元兵部侍郎為四

川總督討賊至是燮元謀直取永寧集將佐曰我久不

得志于賊者我以分賊以合也乃盡撤諸軍會長寧。

注見

前連破賊砦。與秦良玉合兵搏戰。賊大敗。遂入青崗坪。

在敘永廳西。亦曰青崗關。抵城下。拔之。降賊二萬。副總兵秦衍祚等。

亦克遵義。崇明父子逃入舊蘭州城。唐置州。宋廢。故城在今敘永廳東。

尋為參將羅乾象所攻克。賊勢益蹙。乃率餘眾走水西。

龍場。借兵安邦彥。邦彥遣二軍窺遵義。永寧。變元敗走。

之。諸將乘勝。鑒入龍場。生擒崇明妻安氏。及其弟崇輝。

斬獲萬計。崇明父子。竄深箐得免。時變元以永寧既拔。

蜀中已靖。遂不窮追。而貴州巡撫王三善。以崇明竄入。

水西。會師六萬進討。屢戰皆捷。遂渡渭河。在大定府黔西州北。東南

流會于陸廣河。直抵大方。即今大定府治。舊時安氏據為巢穴。入居安位第。位與

其母社輝走火灼。城名在黔西州北。安邦彥匿織金。亦城名。在黔西州西。

王三善進討奢酋雖連戰
捷鋒軍聲頗振然亦值其
敗竄之餘易于奏績並非
有勝算獨操況既薄賊巢
益當乘勝掃除以清邊裔
乃三善輒因屢捷生驕淹
留日久而于邦彥尋假息
游魂竟爾置之不問致賊
人得乘其退兵之隙尾蹙
猖狂前功盡棄皆由輕敵
老師坐取殞歿三善節雖
可矜而浩固無可諒也

北地最

深阻皆不敢出三善既連破賊有輕敵心謂賊不足

平駐大方久之會糧盡不得已退師乃焚大方廬舍而

東

明年賊躡之副總兵秦民屏參將王建中戰歿三善

遂為降賊陳其愚所害

其愚者賊腹心先詐降三善信之令隨行遇賊其愚衝三善墜

馬三善大呼罵賊遂遇害監軍副使岳岳具仰同知梁思

泰主事田景猷等四十人皆死之

岳具仰延安人田思南人于是賊勢復張

客氏魏忠賢殺光宗選侍趙氏幽裕妃張氏于別宮殺之

客魏肆惡慮如嬪白其罪矯旨賜趙選侍自盡

選侍以光宗賜

物列案上西向禮佛痛哭自經

幽裕妃別宮絕其飲食天雨妃匍匐承

檐溜飲之而死皇后數于帝前刺客魏過失是年后有

娠客氏以計墮之帝用此乏嗣又以帝郊祀日掩殺帝

所寵馮貴人左右無敢言者。范慧妃以讒失寵。李成妃爲之乞憐。客魏知之。亦幽成妃別宮。妃預儲食物簪瓦間。半月不死。斥爲宮人。

冬十月。以趙南星爲吏部尙書。

先是南星爲左都御史。與吏部尙書張問達掌京察。黜去忤詩教趙興邦等。天下快之。至是問達罷。南星代爲吏部。銳意澄清。獨行已志。政府及中貴憚其剛嚴。不敢有所干請。魏忠賢雅重南星名。遣其甥傅應星謁見。拒不納。大學士魏廣微南星友。允貞子也。素以通家子畜之。廣微入內閣。三至南星門。謝弗見。又嘗嘆曰。見泉無子。見泉。允貞別號也。廣微恨次骨。與忠賢比而齟南星。

然是時東林勢盛葉向高韓爌方輔政南星掌銓李騰

芳

字子實。湘潭人。

陳于廷

字孟諤。宜興人。

佐之高攀龍楊漣左光斗秉

憲魏大中袁化中

字民諧。武定人。

長科道鄭三俊

字用章。池州建德人。

李

邦華孫居相饒伸主之宋輩悉居卯貳而郎官鄒維璉

字德耀。瑞州新昌人。

夏嘉遇

字正甫。松江華亭人。

張光前

字爾荷。澤州人。

程國祥

字仲

若。上元人。

劉廷諫

順天通州人。

等亦皆民譽衆正盈朝激揚諷議

忠賢頗憚之于外事未敢大肆

十二月地震

兩京鳳陽蘓松淮揚泗滁同日俱震

魏忠賢提督東廠

初神宗末刑罰弛縱而廠衛緝捕亦漸稀簡詔獄至生

魏忠賢竊弄魁極稔惡已
盈顧此時雖衆正不容羣
奸漸進而刑獄之柄尚在
南司故縱動于惡而無由

自遼迄蓄憤益甚遂藉東
廠以立威于是緝捕之權
一歸掌握許顯純輩又以
羅鉗吉網爲之鷹犬爪牙
延禍播紳由茲益烈浸假
而廠督之命嚴然與詔旨
並行凶惡勢騰將及四載
清流幾靡有孑遺嘉宗童
駿皆蔽授以太阿固不足
深責而天道昭昭竟不讓
持香類殆由明祚將傾故
不惜假手閹奴以厚之毒
耶

青草及是忠賢以司禮秉筆領東廠事車馬儀衛僭擬
乘輿已而任用田爾耕任邱人掌衛事許顯純定興人爲鎮
撫理刑羅織無遺鍛鍊殘酷廠衛之毒于斯而極
括天下庫藏輸京師

葉向高言郡邑庫藏已竭藩庫稍餘今盡括之猝有亂
將何以應不納

甲子四年春正月何宗彥卒諡文毅

宗彥清修有執神宗末齊黨勢盛非同類卽排去之宗
彥方攝禮部事獨無所附麗遂不安其位而去光宗立
以素望卽家起入閣及是卒官贈太傅

二月京師地震

宮殿動搖有聲。帝遂不豫。至三月始愈。地復屢震。

夏六月。左副都御史楊漣劾魏忠賢二十四大罪。中旨切責漣。

忠賢肆惡日甚。漣抗疏列其大罪二十有四。

畧曰。太監魏忠賢者。

本市井無賴。中年淨身。黃入內地。初猶謬爲小忠小倭。以倖恩。繼乃敢爲大奸大惡。以亂政。今列其罪狀。爲陛下言之。祖制擬旨專責閣臣。自忠賢擅權。多出傳奉。或徑自內批。壞祖宗政體大罪一。劉一燝周嘉謨顧命大臣也。忠賢令其黨論去。急于剪已之忌。不容陛下不改父之臣。大罪二。先帝賓天。實有隱憾。孫慎行鄒元標以公義發憤。忠賢悉排去。顧于黨護選侍之沈淮曲意綢繆。終加蟒玉。親亂賊而離忠義。大罪三。王紀爲司寇。執法如山。鍾羽正爲司空。清修如鶴。忠賢構黨斥逐。必不容盛時有正色立朝之臣。大罪四。國家最重攸卜。忠賢一手握定。力阻首推之孫慎行。盛以宏更爲他辭。以錮其出。豈真欲門生宰相乎。大罪五。爵人于朝。莫重廷推。去歲南太宰北少宰俱用陪推。一時名賢不安其位。顛倒銓政。掉弄機權。大罪六。聖政初新。正資忠直。乃滿朝

薦文震孟。江秉謙。侯震陽等。抗論稍忤。立行貶黜。屢經
恩典。竟阻賜環。長安謂天子之怒。易解。忠賢之怒。難調。
大罪七。然猶曰外廷臣子也。去歲南郊日。傳聞宮中有
一貴人。以德性貞靜。荷寵忠賢。恐其露已驕橫。託言急
病。置之死地。是陛下不能保其貴幸矣。大罪八。猶曰無
名封也。裕妃以有娠傳封。中外方爲慶幸。忠賢惡其不
附已。矯旨勒令自盡。是陛下不能保其妃嬪矣。大罪九。
猶曰在妃嬪也。中宮有慶。已經成男。忽焉告殞。虹流電
繞之祥。變爲飛星墮月之慘。傳聞忠賢與奉聖夫人。實
有謀焉。是陛下且不能保其子矣。大罪十。先帝青宮四
十年。護持孤危者。惟王安。卽陛下倉猝受命。擁衛防維。
安亦不可謂無勞。忠賢以私忿。矯旨殺之。是不但仇王
安。而實敢仇先帝之老奴。畧無顧忌。大罪十一。塋地擅
用朝官。規制僭擬陵寢。近又于河間毀人居室。建立牌
坊。鏤鳳雕龍。干雲插漢。大罪十二。今日廕中書。明日廕
錦衣。金吾之堂。皆乳臭。誥勅之館。目不識丁。如魏良
弼。魏良卿。及傅應星等。濫襲恩廕。褻越朝常。大罪十三。
用立枷之法。戒曉家人。駢首畢命。意欲誣陷國戚。動搖
中宮。若非閣臣力持。言官糾正。椒房之戚。又興大獄矣。
大罪十四。良鄉生員章士魁。以爭煤窑。傷忠賢墳脉。遂
託言開礦而致之死。趙高鹿可爲馬。忠賢煤可爲礦。大
罪十五。王思敬等牧地細事。責在有司。忠賢乃幽置檻

竇恣意撈掠。視士命如草菅。大罪十六。科臣周士樸執糾織監。忠賢竟停其陞遷。使吏部不得專銓除。言官不敢司封駁。大罪十七。北鎮撫劉儵。不肯殺人媚人。忠賢以不善鍛鍊。遂致削籍。示大明之律令。可不守。而忠賢之律令。不可不遵。大罪十八。魏大中爲吏科。遵旨蒞任。忽傳旨詰責。及大中同奏。臺省交章。又再褻王言。煌煌綸綍。朝夕紛更。大罪十九。東廠之設。原以緝奸。自忠賢任事。日以快私讐。行傾陷爲事。投匭告密。日夜未已。勢必興同文館獄。而後已。大罪二十。邊警未息。內外戒嚴。東廠緝訪何事。前韓宗功潛入長安。偵探虛實。實主忠賢司房之邪。事露始去。假令天不悔禍。宗功事成。未知九廟生靈。安頓何地。大罪二十一。祖制不蓄內兵。原有深意。忠賢與奸相沈滄。創立內操。數匿奸宄。安知無大盜刺客。潛入其中。一旦變生肘腋。可爲深慮。大罪二十二。忠賢進香涿州。警蹕傳呼。清塵墊道。人以爲大駕出幸。及其歸也。改駕馴馬。羽幢青蓋。夾護環遮。則儼然乘輿矣。大罪二十三。夫龍極則驕。恩多成怨。聞今春忠賢走馬御前。陛下射殺其馬。貸以不死。忠賢不自伏罪。進有傲色。退有怨言。朝夕隄防。介介不釋。從來亂臣賊子。只爭一念放肆。遂至不可收拾。奈何養虎兇于肘腋間乎。此又寸臠忠賢。不足蔽其辜者。大罪二十四。凡此逆跡。昭然在人耳目。乃內廷畏禍。而不敢言。外廷結舌而

楊連一疏據實陳足禡
好閹之與當其懼而求解
子閣臣尙不無心存顧忌
韓爌此時使能奮以正言
喻以利害俾早知避禍求
全終不能遽伏則諒或因
而得離閹廷亦不難圖
處置爌竟束手無能付之
不應致忠賢轉計自謀泣
訴為首而連極慘禍陰
陽消長之機乎于寸隙而
爌亦終歸斷貽毒無窮雖
也自以忤閹夫國亦不能
為之解免也

莫敢奏間或奸狀敗露。又有奉聖夫人為之彌縫。更相
表裏。迭為呼應。伏望陛下。大奮雷霆。集文武勳戚。勅刑
部嚴訊。以正國法。并出奉聖夫人于外。用消隱憂。臣死
且不朽。鍾羽正字叔濂益都人文震孟字文起吳縣人劉儵魏大中疏上。忠賢懼甚。求解于韓爌。爌不應。遂
趨帝前泣訴。且辭東廠。而客氏從旁為剖析。王體乾等
贊之。帝憐然不辨也。遂溫諭留忠賢。而于次日下漣疏。
嚴旨切責。先是漣疏就。欲早朝面奏。值次日免朝。恐再
宿機洩。遂于會極門上之。忠賢乃得為計。漣愈憤。擬對
仗復劾之。忠賢訶知。遏帝不御朝者三日。及帝出。羣閹
數百人。衷甲夾陛立。勅左班官不得奏事。漣乃止。中書舍人
吳懷賢讀漣疏。擊節稱嘆。注其旁曰。宜如韓魏公治任
守忠故事。即時遣戍。其奴告之忠賢。即逮懷賢下獄。拷
掠死。籍其家。吳懷賢休寧人。

秋七月杖殺工部郎中萬燬。字聞夫。南昌人。

自楊漣上疏被責。廷臣益憤。交章論忠賢不法。給事中

中。許譽卿等。御史則劉業。楊玉珂。帥衆等。京卿則太常卿胡世賞。祭酒蔡毅中等。勳戚則撫寧侯朱國弼。南京

列卿則兵部尚書陳道亨。侍郎岳元聲等。凡七十餘人。許譽卿。松江華亭人。蔡毅中。字宏甫。光山人。陳道亨。

字孟起。新建人。大學士葉向高。及禮部尚書翁正春。請遣忠賢

歸私第。以塞謗。帝不許。未幾。燬疏復至。言忠賢盡竊大

權。生殺予奪。在其掌握。致內廷外朝。止知有忠賢。不知

有陛下。豈可一日尚留左右。忠賢得疏大怒。當是時。忠

賢方惡。廷臣交章劾已。無所發憤。思借燬立威。乃矯旨

廷杖一百。令羣閹先至。燬即捽而毆之。比至闕下。氣息

纔屬。杖已絕而復甦。羣閹更肆蹴踏。越四日。即卒。御史

黃尊素上言律例非叛逆十惡無死法今以批肝瀝膽之忠臣竟殞于磨牙礪齒之凶豎千載而下史筆書之豈不上累聖德乞復其故官破格賜卹時禁中方失火李應昇復言部郎之杖血方腥祝融之烈燄旋作天譴甚明伏冀矜恤俱不報是年檢討丁乾學典江西鄉試名已使人詐為校尉往逮挫辱之乾學憤鬱而卒揚州知府劉鐸憤忠賢亂政書扇贈遊僧有陰霾國是非句實歐陽暉詩也邏者得之遂逮治事白矣會鐸家人夜醺都督張體乾誣以咒詛竟斬西市他若御史夏之令以劾毛文龍吳裕中以熊廷弼姻考功郎蘇繼歐以楊連黨後軍都督府經歷張汶以被酒詆忠賢或下獄或被杖死皆在燬後崇禎初燬贈光祿卿官一子乾學等皆贈卹丁乾學字天行浙江山陰人寄籍京師劉鐸廬陵人夏之令光山人吳裕中江夏人蘇繼歐許州人張汶邯鄲人尚書國彥曾孫

葉向高罷

御史林汝翥

福清人

向高甥也。方巡城。有內二豎爭奪人

財物。鬪于塗。汝翥笞之。時萬燦甫杖死。魏忠賢矯旨命

杖汝翥如燎。汝翥懼。逃之城外。羣閹疑匿向高第。聚而

圍之。大肆詬辱。向高上言。國家二百年來。無中使圍閹

臣第者。臣今不去。何面目見士大夫。帝優旨慰留。盡收

回中使。

汝翥尋出受杖。竟不死。

向高以時事不可為。乞歸。已二十

餘疏。至是請益力。乃命行人護歸。

向高為人光明忠厚。有德量。好扶植善類。

自再入相。輔冲主。閹人逞煬竈計。時事日非。向高亦稍

利方為圓。然猶數有匡救。老成持重。為清流所倚賴。惟

所咎焉。後三年卒。崇禎初。贈太師。諡文忠。

河決徐州。

決魁山

即奎山。在銅

隄。城中水深丈餘。遷州治于雲龍

山。在銅山縣南。常有雲氣蜿蜒如龍。故名。而治河事無言及者。

封光宗選侍李氏爲康妃。

魏忠賢請加選侍封號。帝從之。旨與前移宮諭相背。時咸謂前諭出自王安。後旨出自忠賢。故彼此牴牾。帝實不辨也。

冬十月。罷吏部尙書趙南星。左都御史高攀龍。

御史崔呈秀。薊州人。按淮揚。贓私狼籍。比還朝。攀龍循故

事考察。故事。巡按御史回道。考覈稱職。始復任。盡發其貪穢狀。南星議戍

之。詔革職聽勘。呈秀窘。夜走魏忠賢所。叩首涕泣乞爲

義子。且言不去。南星攀龍等。吾輩未知死所。忠賢大以

爲然。遂與定謀。會山西缺巡撫。南星以太常卿謝應祥

闖豎之禍。至忠賢而最烈。然非有外廷無恥之徒。爲之羽翼。縱逞魑魅之技。恣豺狼之心。亦不能如此肆行無忌。乃魏廣微以閣臣

率先詔附面目。顧然。崔呈秀因贓罪被糾。輩作通逃。淵藪遂甘為義子。醜穢求容。創千古未有之局。非但天良盡泯。真狗彘不食其餘。而一時希榮倖進者流。萬且效尤。躡踵恬然。不以為羞。人心敗壞至此。亦可以覘其氣運之奄奄垂盡矣。

安福人。

有清望。首列以請。既得旨。而御史陳九疇

歷城人。

受

魏廣微旨。言應祥嘗知嘉善。魏大中出其門。大中以師

故。謀于選郎夏嘉遇而用之。徇私當斥。

先是孟冬。享廟。且頒朔。廣微偃

蹇後至。大中抗疏劾廣微。廣微恨甚。故嗾九疇斥之。

大中嘉遇疏辨。南星攀龍極

言。應祥以人望推舉。大中嘉遇無私。九疇妄言不可聽。

忠賢大怒。矯旨黜大中。嘉遇并黜。九疇而責南星等朋

謀結黨。南星遽引罪去。忠賢復矯旨切責。放之歸。明日。

攀龍亦引去。

初。南星里居時。名曰高。海內仰慕。與顧憲成。鄒元標並稱三君。及召起為吏部。嘗與

忠賢並坐宏政門。正色語。忠賢曰。主上沖齡。我輩內外

臣子。宜各努力為善。忠賢默然。怒形于色。至是罷去。忠賢與其黨恨不已。每矯勅諭。必曰為元凶云。

十一月。削吏部侍郎陳于廷。副都御史楊漣。僉都御史左

光斗籍

先是萬燦杖死。黃尊素語漣曰。可以去矣。漣曰。苟濟國。死生以之。卒不去。至是。廷推吏部尙書。漣注籍不預于

廷等推。喬允升。

字吉甫。洛陽人。

馮從吾。汪應蛟。

字潛夫。婺源人。

上之中

旨。責漣大不敬。又以允升等爲趙南星私人。責于廷。光斗與漣朋比。並削籍。而擢徐兆魁吏部侍郎。喬應甲副都御史。王紹徽僉都御史。皆素爲南星所擯者也。由是天下大權一歸忠賢矣。

韓爌罷。

葉向高旣去。爌爲首輔。故事。閣中止首輔秉筆。魏廣微欲分爌權。囑魏忠賢傳旨。諭爌同寅協恭。而責次輔毋

伴食。熿卽抗疏乞休。中旨責熿歸非于上。悻悻求去。遂

聽罷。

熿每事持正。爲善類所倚。然向高有智術。籠罩羣

賢。偏引邪黨。故卒齟齬而去。已而忠賢黨劾熿除名。又

假他事。坐賊二千。熿鬻田宅。資親故以償。而棲止于先

十二月。逮內閣中書汪文言。

歙人。

下鎮撫司獄。

文言初以布衣任俠。有智術。神宗末。遊京師。翰貴爲監

生。用計破齊楚浙三黨。

先是。三黨諸魁交甚密。後齊與

設奇間之。諸人果相疑。而浙黨鄒之麟。以求吏部

不得。見惡齊黨。亦交鬪其間。于是齊浙之黨大離。

結束官伴讀王安。與談當世流品。安悅之。光宗初立。外

廷倚劉一燝。而安居中。以次行諸善政。文言交關力爲

多。及魏忠賢殺安。文言亦下吏。得末減。益游公卿間。葉

向高用爲內閣中書。韓爌、趙南星、楊漣、左光斗、魏大中。

俱與往來。會給事中阮大鍼。懷寧人。居桐城。與光斗、大中有隙。

大鍼與光斗同里。倚爲重。會吏科缺。都給事中。大鍼次當遷。方家居。光斗召之。趙南星、高攀龍、楊漣以察典近。

大鍼輕躁不可任。擬用大中。大鍼至。囑其同官傅櫬。臨川人。光斗意中變。使補工科。大鍼心恨之。

人。劾文言與光斗、大中通爲奸利。旨下文言詔獄。葉

向高以舉用文言。引罪求去。忠賢終憚向高舊臣。不深

究。而御史黃尊素語鎮撫劉僑曰。文言無足惜。不可使

禍延搢紳。僑頷之。獄上。止坐文言廷杖除名。無株及者。

事在是年四月。方忠賢得櫬疏。喜甚。欲藉是羅織東林。而獄遽

解。志不得逞。乃以劉僑不任事。削其籍。而用許顯純代。

欲再伺釁而動。至是。御史梁夢環。廣東順德人。知忠賢恨未

已復劾文言。詔立逮之。下北鎮撫司獄。卽命顯純鞠治。而大理丞徐大化亦希忠賢指。劾漣。光斗黨同伐異。招權納賄。于是東林之禍遂作。

朱國禎罷。

國禎繼韓爌爲首輔。魏廣微視之蔑如。給事中李蕃日照人。三疏劾國禎。遂引疾求去。忠賢語其黨曰。此老亦邪人。但不作惡。可令善去。乃加少傅。遣行人護歸。崇禎中卒。諡文肅。

五年春正月。復聽勘御史崔呈秀官。

魏忠賢既得呈秀。恨相見晚。遂用爲腹心。日與計畫。至是給事中李恒茂人。刑臺爲呈秀訟冤。忠賢卽以中旨復

其官。

時中旨頻出。朝端以為憂。給事中李魯生獨上言。執中者帝。用中者王。旨不中出而誰出。舉朝大駭。

李魯生。

尋督三殿工。忠賢以閱工故。日至外朝。呈秀

霑化人。

必屏人密語移時。先是顧秉謙魏廣微以已意點搢紳

便覽一冊。若葉向高韓爌趙南星高攀龍楊漣左光斗

等百餘人目為邪黨。而以黃克纘王永光

長垣人。

徐大化

賈繼春霍維華等為正人。進之忠賢。俾據是為黜陟。已

而王紹徽編東林一百八人。繫以宋時淮南盜宋江等

諸名目。為點將錄。令忠賢按名黜汰。及是呈秀復進同

志諸錄。皆東林黨人。又進天鑒錄。皆不附東林者。由是

羣小無不登用。善類為之一空。

呈秀不二歲。即晉兵部尚書。兼左都御史。出入

烜赫。勢傾朝野。十時忠賢門下文臣則呈秀田吉吳淳夫李夔龍倪文煥主謀議。號五虎。武臣則田爾耕許顯

純孫雲鶴楊寰崔應元主殺僂號五彪他若尚書周應
 秋太僕少卿曹欽程等號十狗此外又有十孩兒四十
 孫之號而呈秀尤為之魁暮夜乞憐者莫不緣之以進
 蠅集蟻附其門如市或不附已及勢位相軋者輒令其
 黨排去諸所傾陷不可悉數雖其黨亦深畏之田吉
 故城人吳淳夫晉江人李夔龍福建南安人倪文煥江
 都人孫雲鶴霸州人楊寰吳縣人崔應元大
 興人周應秋金壇人曹欽程江西德化人

三月我

大清建都瀋陽

先是

太祖高皇帝命築城界藩營建宮室尋自界藩遷于薩爾滸遼
 陽既克乃于城東五里築城備宮闕之制建為東京至
 是以瀋陽形勢之地復自東京遷都之是為

盛京

夏四月太白晝見

重修光宗實錄

御史楊維垣

文登人

首翻三案給事中霍維華繼之痛詆

劉一燝韓爌孫慎行張問達周嘉謨王之宗楊漣左光

斗而譽范濟世

濟源人

王志道

漳浦人

等請改光宗實錄中

旨允之免李可灼戍擢濟世巡撫志道等京卿時魏忠

賢特恨東林諸人數論其罪實于三案及京察

辛酉癸亥封

疆

熊廷弼

事無與也羣小欲藉忠賢力為報仇凡異已者

概指為東林黨而去之清流之禍遂不可解

未幾楊左

封疆事被禍而御史石三畏追論京察事力詆孫不揚

王圖等于是生者除名死者追奪已又論三案請以

其疏付史館

三畏交河人

忠賢門下十孩兒之一也

六月未延禧罷。

中旨令閣票稱魏忠賢為元臣延禧執不可。御史田景新阿忠賢意。改去之。

逮前副都御史楊漣。僉都御史左光斗。給事中魏大中。御史袁化中。太僕少卿周朝瑞。陝西副使顧大章。下詔獄。等斃之。削前吏部尚書趙南星等籍。考明史漣等逮問在三月。下獄在六月。今并書以省文。

楊漣等久以伉直為羣小所嫉。比漣劾忠賢二十四罪。鼠輩益欲得甘心說者或謂其平日不宜與汪文官交。往以自貽慘禍。但文

先是讞汪文言獄。詞連趙南星。李三才。及漣。光斗等二十餘人。許顯純坐漣等以移宮罪。徐大化獻策于魏忠賢曰。但坐移宮。則無贓可指。若坐納楊鐫熊廷弼賄。則封疆事重。殺之更有名。忠賢以為然。乃令顯純復鞫文

言結王安以贊成善政尚非自私自利視彼皇身逆闕者實有間矣文言尙無可罪之由於諸賢又何責備當時竟題搆昭實倩文言爲發難之端而且巧附封疆逞其毒手以致填尸牢狴血融交橫忠魂共抱沉寃爲從來未有之奇慘至今讀之猶爲切齒然諸人正氣凛然不磨當日之摧殘倘至者孰知卽所以表章之哉

言五毒備至使引漣等納延弼賄。文言仰天大呼曰。世豈有貪賊楊大洪哉。至死不承。大洪者。漣別字也。顯純乃手作文言供狀。文言復張目謂曰。爾莫妄書。異時吾當與面質。顯純遂卽日斃之。而具獄詞以上。漣。光斗。各坐二萬。大中三千。化中六千。朝瑞一萬。大章四萬。餘復多所牽引。中旨。漣。光斗。六人逮下詔獄。南星。三才等俱削籍。下所在無按追贓。漣。光斗等先後逮至。顯純非法拷掠。內狼籍。贓不肯承。光斗私計曰。彼殺我有二法。因我不承。而酷刑以斃之一也。夜半令獄卒潛殺之。二也。承則當下法司。庶有見天之日。諸人然其言。俱自誣服。忠賢乃矯旨。仍令顯純五日一追比。不下法司。諸人

始悔失計。至七月。漣光斗。大中同夕為獄卒所斃。漣之

囊壓身。鐵釘貫耳。最為慘毒。光斗。大中亦皆體。無完膚。越數日。始報。三人屍俱已潰敗。不可識。又踰月。

化中。朝瑞亦斃。惟大章未死。羣小謂諸人潛斃。無以厭

人心。乃移付法司定罪。布告天下。仍移鎮撫司。大章曰。

吾安可再入此獄。呼酒與其弟大韶訣。投繯而卒。初漣

等被逮。秘獄中忽生黃芝。光彩遠映。及六人畢入。適成

六瓣。或以為祥。大章嘆曰。芝瑞物也。而辱於此。吾輩庸

有幸乎。已而果然。時以六人為六君子。方漣之被逮也。士民數萬擁道。

攀號。所歷村市。悉焚香建醮。祈祐生還。既死。產入官。不

及千金。母妻止宿。譙樓二子至。乞食以養。徵贖令急。鄉

人競出貲助之。至賣菜。傭亦為輸助。光斗前與畿輔水

利等督學政。上民德之。客城孫奇逢者。節俠士也。與定

與鹿正。信義。贖金。諸生爭應之。得金數千。謀代輸。緩獄

而光斗已前斃。正即善繼父。世所稱鹿太公者也。光斗

死。而賊未竟。撫按嚴追。兄光霽坐累死。母以哭子死。家族盡破。大中長子學泐。以父被逮。欲隨行。大中止之。乃微服間行。探刺起居。既抵都。邏卒四布。變姓名匿旅舍。晝伏夜出。稱貸以完父贖。未竟而大中斃。學泐慟哭幾絕。扶輓歸。晨夕號泣。水漿不入口。遂死。化中前佐高攀龍發。崔呈秀贓私。呈秀恨之。又繼漣疏劾忠賢。有忠賢鋌而走險。其橫逞之毒。將不在搢紳。而卽在陛下等語。忠賢益大恨。因竄名獄中。朝瑞嘗請宥廷弼。戴罪令守山海。徐人化與之相訐。大章在刑部時。讞廷弼獄。援議能議勞例。從寬遣戍。楊維垣劾其受賄。故二人並坐。而大章贓尤多。崇禎初。漣贈兵部尙書。諡忠烈。光斗贈右都御史。福王時。追諡忠毅。大中贈太常卿。諡忠節。子學泐。旌孝行。化中贈太僕卿。福王時。追諡忠愍。朝瑞贈大理卿。福王時。追諡忠毅。大章贈太僕卿。福王時。追諡裕愍。

秋八月。毀天下書院。

御史張訥

閩中人。

上疏力詆鄒元標。孫愼行。馮從吾。余懋

衡。

字持國。婺源人。

等。請毀其講學書院。于是元標。愼行。從吾。懋

衡俱削奪東林關中江右徽州及天下一切諸書院皆

毀訥為忠賢鷹犬最効力忠賢深德之書院既毀未幾

逆福建矣

時元標已前卒追論奪官崇禎初贈尚書諡忠介慎行等復以紅丸事遣戍具詳後從吾

以病卒崇禎初復官諡恭定懋衡亦于崇禎初復官

以周如磐

莆田人

丁紹軾

貴池人

黃立極

字中五元成人

為禮部尚書

馮銓

涿州人

為禮部侍郎並兼東閣大學士預機務

輔臣缺詔推老成幹濟者禮部尚書周如磐以年老推

用侍郎黃立極與忠賢同鄉故援之熊廷弼之獄紹軾

與銓謀居多

紹軾素憾廷弼以御史吳裕中為廷弼姻

居時曾遺書魏良卿勸與人獄及侍講筵出市刊遼東

傳謗十帝曰此廷弼所作希脫罪耳帝大怒于是廷弼

死遂

銓資淺年未及四十忠賢黨李魯生上言成即為

老而非必老乎年。幹乃稱濟。而卽有濟于國。銓遂柄用。如磐閭三月卽罷歸。紹軾未踰年亦卒。

魏廣微罷

初。楊左之獄。廣微預謀。吏部尙書雋景榮。字白強。長垣人。懼諸人立斃。亟請廣微諫止。廣微不自安。乃疏言。連等在今日。誠爲有罪之人。在前日。實爲卿寺之佐。縱使贓私果眞。亦當轉付法司。據律論罪。無令鎮撫嚴刑追比。疏入。大忤忠賢意。廣微懼。急出。景榮手書自明。忠賢怒。已不可解。遂連疏乞歸。景榮亦罷。

殺前遼東經畧熊廷弼傳首九邊

先是。法司論廷弼獄。與王化貞俱論死。已而楊左諸人。

俱坐賊斃獄。忠賢黨門克新。汝陽人。石三畏等趣殺廷弼。

及是遂棄市。傳首九邊。化貞竟不誅。御史梁夢環謂廷

弼侵盜軍資十七萬。劉徽。清苑人。謂廷弼家資百萬。宜籍

以佐軍。中旨從之。罄產不足償。其子兆珪自刎死。姻族

家俱破。武弁蔣應陽為廷弼稱冤。立誅死。太倉人孫文

震孟並削籍。陳仁錫字明卿。長洲人。俱斬。連及其同郡編修陳仁錫。修撰文

冬十月。罷孫承宗。以高第。字登之。灤州人。代為經畧。

初。忠賢以承宗功高。欲親附之。會帝遣內官王應坤犒

邊。賜承宗麟玉。忠賢即令應坤申意。承宗不與交一言。

忠賢大憾。趙南星等被逐。承宗方西巡薊遼。念抗疏。帝

弗省。往在講筵。每奏對。間有入。乃請以賀聖壽入朝。而

奏機宜。欲因是論其罪。勑廣微聞之。奔告忠賢曰。承宗擁重兵。清君側。公立璽粉矣。忠賢悸甚。繞御床哭。帝亦心動。令內閣擬旨。顧秉謙奮筆曰。無旨離信地。非祖制。

違者法不宥。夜啓禁門。諭兵部發三道飛騎止之。又諭九門

守奄孫閣老入齊化門者。反接以入。承宗抵通州。聞命而還。事在四年。忠賢遣

八偵之一。襍被置輿中。後車惟鹿善繼而已。忠賢意漸

解。而其黨李蕃。徐大化等。至詆爲王敦。李懷光。承宗遂

累疏求罷。不許。會馬世龍有柳河。亦曰楊柳河。在奉天府海城縣南。西北流。

入三岔河之敗。有降人劉伯強。自耀州來言。州城內虛。可襲。

遊擊金冠。以舟濟師。冠違令不至。師次柳河。不得渡。軍陷泥淖中。敗沒。于是臺省交章劾

世龍。并及承宗。承宗求去益力。遂許之。以兵部尚書高

第代為經畧。第素恆怯。以關外必不可守。欲盡撤錦。謂錦

州。右。廣寧右衛。故屯也。諸城守禦移關內。袁崇煥力爭。謂兵法

有進無退。錦右動搖。則寧前震驚。關內亦失保障。第意

堅。且欲并撤寧前一城。崇煥曰。我寧前道也。官此當死

此。我必不去。第不能奪。乃撤錦州。右屯。大小凌河。及松

山。杏山。注俱見前。塔山。堡名。在錦縣西南。守具盡驅入關。委棄米粟

十餘萬。軍民死亡載途。哭聲震野。民怨而軍益不振。

十二月。榜東林黨人姓名示天下。

御史盧承欽。餘姚人。上言。東林自顧憲成。李三才。趙南星

而外。如王圖。高攀龍等。謂之副帥。曹于汴。湯兆京。史記

事。魏大中。袁化中。謂之先鋒。丁元薦。沈正宗。李朴。字繼白。朝

明自國本之論既與朝端紛呶者幾數十年實屬無裨事體而南司水火由此漸起釁端況值小人道長之時楊所修等公然肆臆妄談竟請勒為成帙開局輯修以逞其詆毀于是羣小任情曲直幾不憚黑白混淆乃當時諛徒獻媚至微憚疑春秋豈知事後定評此書即閣黨構机追崇祿初既經焚毀而南都聚訟楊維垣等尙欲重翻若

人。賀烺謂之敢死軍人。孫丕揚鄒元標謂之士木魔神。

宜一切榜示海內。俾奸慝無所容。忠賢大喜。悉刊黨人

名示天下。凡黨人已罪未罪悉編名其中。

丙寅六年春正月作三朝要典。

先是給事中楊所修南城人請集挺擊紅丸移宮三案章

疏。倣明倫大典編輯為書。頒示天下。霍維華亦以為言。

至是作三朝要典。起乙卯至辛酉以顧秉謙黃立極馮銓為總

裁。施鳳來。平湖人楊景辰。晉江人孟紹虞曾楚卿副之。極意

詆譏東林。暴揚罪惡。其論挺擊以王之案開礮骨肉誣皇祖負先帝。雖碎骨不足贖。論紅

丸以孫慎行創不啻藥之說。妄疑先帝不得正其終。更附不討賊之論。輕詆皇上不得正其始。為同上不道。論

移宮以楊漣等內結王安故重選侍之罪。以張擁戴之功。于是遂以之案慎行漣為三案罪首。時方重

輩中傷善類之心無所不至究之是非本自了然豈能以一書盡欺後世哉

修光宗實錄。凡事關三案。命卽據要典以改。及書成。忠賢令顧秉謙擬御製序文冠其首。刊布中外。

二月。高第罷。以王之臣

潼關衛人。

代爲經畧。袁崇煥巡撫遼東。

先是我

大清兵圍寧遠。高第與總兵楊麒擁兵不救。寧前參政袁崇煥集將士誓死守。盡焚城外民居。攜守具入城。檄前屯及山海關。凡將士逃至者悉斬。人心始固。

大軍戴楯穴城。矢石不能退。崇煥令閩卒羅立發西洋巨礮圍遂解。

時督屯通判金啟倅以礮礮死。

事聞。擢崇煥僉都御史。削高第楊麒職。以之臣代第。以前屯總兵趙率教代麒鎮關門。尋命崇煥巡撫遼東。駐寧遠。

遷前左都御史高攀龍吏部員外郎周順昌

字景文吳縣人蘇松

巡撫周起元

字仲先海澄人

諭德繆昌期

字當時江陰人

御史李應昇周

宗建黃尊素攀龍自沉于池順昌等俱下獄死

攀龍雖削籍崔呈秀恨不已亟言于魏忠賢必欲殺之

順昌家居魏大中被逮過吳順昌出餞與同起卧者三

日許以女聘大中孫旗尉屢趣行順昌瞋目曰若不知

世間有不畏死男子周順昌邪因戟手呼忠賢名罵不

絕口旗尉歸以告忠賢大怒

仇文煥即希指劾順昌與罪人婚削籍

昌期

前典湖廣總計程文論中引趙高仇士良寓規諷忠賢

嘆之楊漣劾忠賢二十四罪疏或言昌期代草而高趙

諸人去國昌期率送之郊外執手太息忠賢益大恨

昌期

知勢不可留。具疏乞假。有小瑞至閣曰。宗建首劾忠賢。此人尚可留之送客耶。遂傳旨落職。

曰不識了。

事具前。

應昇尊素皆繼漣抗疏力攻忠賢。應昇

云。忠賢之罪。千真萬真。無可復辨。千罪萬罪。又不勝辨。

臣為陛下計。莫若聽忠賢。亟自引退。以全旦夕之命。為忠賢計。又莫若早自引決。以乞帷蓋之恩。不然。恐稔貫

盈。他日欲保首領而不可得。未又切責閣臣。謂君側不

清。焉用彼相。一時寵利有盡。千秋青史難欺。不欲為劉

健謝遷者。恐并不能為李東陽。倘投策求歡。不幾與焦

芳同傅邪。時魏廣微力誅忠賢。知應昇纖已。謂旨責

之。應昇復疏論曰。廣微父允貞為言官。得罪輔臣。以去

聲施至今。乞陛下戒諭廣微。退讀父書。保其家。而尊素

聲母倚三窟。庶可見乃父地下。廣微益切齒。

尤有智慮。為羣小所深忌。

曹欽程希指劾宗建。應昇尊素為東林護法。皆削籍。會

吳中訛言。尊素欲效楊一清。誅劉瑾。用蘇杭織造。李實

為張永授以秘計。忠賢大懼。遣刺事者至吳。凡數輩。侍

郎烏程沈演。

淮之弟。

家居。奏記忠賢曰。事有迹矣。于是忠

賢益遣使譙訶實。知實與前巡撫起元起元先已削籍素有隙。

起元撫吳公廉愛民。絲粟無所取。實素貪橫。妄增害額。恣誅求。又惡同知楊姜不屈已。具疏誣劾。起元為姜辨寃。而劾實不法數事。實以此斂威。而銜起元不置。乃索取實空印白疏。令李永

貞偽為實奏。誣劾起元為巡撫時。乾沒帑金十餘萬。口

與攀龍輩往來講學。因行居間。竄入順昌等名。矯旨並

逮之。攀龍聞旗尉將至。謁道南祠。即楊龜山祠。為文以告。歸

與二門生一弟。飲後園池上。及暮。書遺表訖。具衣冠。自

沉于池。表云。臣雖削奪。舊為大臣。大臣受辱。則辱國。謹

北向叩頭。從屈平之遺則。遠近聞其死。莫不傷之。順昌

故有德于鄉。士民聞其被逮。憤怒號寃。開讀日。不期而

集者數萬。咸執香為周吏部請命。旗尉厲聲罵曰。東廠

逮人鼠輩敢爾大呼囚安在手擲銀鐺于地聲琅然衆益憤曰始吾以爲天子命乃東廠魏太監邪遂蠶擁上勢如山崩旗尉東西竄衆縱橫毆擊立斃一人餘負重傷踰垣走巡撫毛一鷺不能發一語知府寇慎吳縣知縣陳文瑞素得民曲爲解諭衆始散順昌乃自詣吏是日旗尉往浙江逮尊素者泊舟胥門外市人知城中有變擊其舟而沉之旗校泅水以遁失駕帖不敢往尊素聞卽囚服自投詔獄順昌旣就逮一鷺飛章告變東廠刺事者言吳人謀斷水道劫漕舟忠賢大懼已而一鷺言縛得倡亂者顏佩章楊念如周文元馬傑沈揚亂已定忠賢乃安然自是提騎不敢復出國門矣方諸臣之被逮也顧秉謙忽持正請付法司論罪忠賢不從已而昌期先至慷慨對簿詞氣不撓坐臧三

千。備受五毒。不勝刑而斃。

四月晦日。藁饋中傳出片紙。自此而絕。至五月二日。獄卒

以死報。終莫知為何日。其殮也。十指墮落。擄置兩袖中。蓋以其為譴代草故云。

順昌。宗建。應昇。

尊素繼至。許顯純各坐贓數千。

宗建至一萬三千。

五日一酷掠。

順昌輒大罵忠賢。顯純椎落其齒。順昌嚙血唾顯純面。

罵益厲。遂于夜中潛斃之。

時六月十七日。及領埋。已越三日。皮肉皆腐。僅存鬚髮。

宗建為顯純酷訊。偃卧不能出聲。顯純罵曰。尚能詈魏

公一丁不識否。以沙囊壓之而死。

六月十八日。

尊素知獄卒

將害已。叩首謝君父。賦詩一章。時獨應昇尚在。尊素隔

牆呼之曰。仲達。我先行矣。遂死。

閏六月朔日。

明日。應昇亦死。

起元道遠。至則順昌等已俱斃。顯純酷加榜掠。竟如疏

懸贓十萬。罄貲不足。親故多為破家。及九月。亦斃之。獄

中時以順昌等慘死詔獄與前楊左諸人先後畧同遂與高攀龍並稱為後七君子以配楊左等共十有三人

為逆閹時死節之最著者云

攀龍學本濂洛粹然為一代大

儒既死呈秀憾猶未釋矯詔下其子世儒吏刑部坐世

儒不能防閑其父請為徒順昌就逮時諸生朱文祖間

行詣都為納餽粥湯藥及徵贓令急奔走稱貸諸公間

順昌觀歸文祖哀慟發病死其所捕顏佩章等五人比

臨刑語知府寇慎曰公好官知我等好義非為亂也延

頸就刃而死後吳人合葬之虎邱傍題曰五人之墓昌

期應昇至常州開讀知府會櫻咸助之貲應昇師吳鍾

鸞詣府署與應昇語竟日謂應昇曰昔蔡元定竄道州

晦翁餞之蕭寺微視元定不異平時何圖今日親見此

景真一夕千古已而忽聞署外有數千人闐聲皆言忠

臣何故被逮樓素有惠政得民力為勸諭始解散而諸

校方怖蘇州事有越垣而仆者道賣蔗童子過之曰我

恨極惜不能殺汝即取削蔗刀割片肉而去宗建死後

所親蔣英代為輸贓亦坐削籍尊素家尤貧坐贓雖不

及三千同年門舊及鄉人咸助之始得完起元方撫吳

罷歸順昌為文送之指斥無所諱議者謂起元順昌之

罪歸順昌為文送之指斥無所諱議者謂起元順昌之

禍已伏于此。及兩人死。吳中士民無不垂涕者。崇禎初。攀龍贈兵部尚書。諡忠憲。授其子世儒官。順昌贈太常卿。諡忠介。其子茂蘭刺血詣闕懇冤。詔以所贈官推及其祖父。起元贈兵部侍郎。福王時追諡忠惠。昌期贈詹事。福王時追諡文貞。宗建尊素應昇俱贈太僕寺卿。福王時宗建應昇皆追諡忠毅。尊素追諡忠端。周茂蘭字子佩。順昌長子。曾櫻字仲含。峽江人。

吳鍾巒字巒稚。武進人。蔣英嘉善人。

夏五月。王恭廠災。

王恭廠火藥局也。是日雷震火藥自焚。地中霹靂聲不絕。烟塵障空。白晝晦冥。軍民暈仆死者無算。

六月地震。

先是五月。薊州密雲連震三日。及是京師天津宣太山東河南皆震。

閏月建魏忠賢生祠。

建祠之諸始自潘汝楨踵效者遂遍及天下且上自宗藩下逮賈豎無不思以

此為逢迎諂媚之端廉耻道喪盡矣甚至像如衮冕制擬九楹舉國皇皇狂走盡如瘕狗而頌辭至稱以堯舜聖神美其依歸向順竟不知視忠賢為何等其居心豈特直與叛逆同利而顧義諒等復敢矯傳褒管偶儻益篇推其積慮蓄謀又將何所不至乃後此按錄逆黨若輩均得倖逃顯戮何以肅刑憲而示防維縱惡之譏崇禎亦不能無辜矣

浙江巡撫潘汝楨

桐城人

疏請建忠賢生祠于西湖織造

太監李實請令杭州衛百戶守祠詔賜祠額

曰普德

勒石

記功德閣臣撰文書丹自是諸方效尤幾遍天下薊遼

總督閻鳴泰部內建祠七所費數十萬其頌忠賢有民

心依歸卽天心向順語開封毀民舍二千餘間創宮殿

九楹儀如帝者巡撫朱童蒙建祠綏延用琉璃瓦劉詔

杞縣人

建祠薊州金像冕旒

其諸祠務極工作之巧像皆以沉香木爲之眼耳口鼻宛

轉如生人腹中腸肺俱以金玉珠寶爲之髻空穴其一以簪四時香花一祠木像頭稍大小豎上冠不能容匠

人恐急削而小之以稱冠疏辭掄揚一如頌聖稱以堯小豎抱頭慟哭責匠人

天舜德至聖至神閣臣輒用駢語褒答督餉尙書黃運

泰

永城人

迎忠賢像五拜五稽首稱九千歲都城內外祠

宇相望。有建于東華門外者。工部郎中葉憲祖字美度餘姚人

曰。此天子臨辟雍道也。土偶能起立乎。忠賢聞之。即削

其籍。初汝楨請建祠。巡按御史劉之待興國州人會稿遲一

日。即削籍。而薊州道胡士容黃州廣濟人以不具建祠文。遵

化道耿如杞字楚材館陶人以入祠不拜。皆下獄論死。時海內望風獻

媚。自督撫巡按而外。宗室若楚王華燁。勲戚若武清侯李誠銘。保定侯梁世勲等。廷臣若尙書邵輔忠。詞臣若

庶吉士李若琳。部郎若郎中魯國楨。諸司若通政司經歷孫如洌。上林監丞張永祚等。亦皆建祠。恐後。下及武

夫賈暨諸無賴子。莫不攘臂爭先。洵洵若不及。後忠賢敗。諸祠悉廢。凡建祠者。概入逆案。

姪梁世勲。珣之後。邵輔忠。定海人。李若琳。大興人。魯國楨。臨川人。

馮銓罷。

銓以媚事魏忠賢。登宰輔。素與崔呈秀暱。呈秀欲入閣。

其黨孫杰。霍維華。嗾職方郎中吳淳夫。力攻罷銓。又慮王紹徽爲吏部。不肯推呈秀。令御史袁鯨湖廣龍陽人攻罷紹徽。而杰等慮忠賢意變。復以計沮之。自是羣小攜貳。京師水。江北山東旱蝗。

秋七月。以施鳳來。張瑞圖。晉江人李國櫓。高陽人俱爲禮部尙書。兼東閣大學士。預機務。

鳳來素無節概。及在閣。惟以和柔自媚于世。瑞圖于諸事務。迎合魏忠賢意。忠賢建祠碑文。多出其手書。詔旨褒美忠賢。詞極駢麗。皆瑞圖筆也。國櫓去釋褐纔十四年。忠賢以同鄉故援之。

九月。我

太宗文皇帝嗣位以明年為天聰元年。

顧秉謙罷。

自秉謙為首輔。凡魏忠賢傾害忠良。皆屬其票擬。三朝

要典之作。秉謙為總裁。是非舛謬特甚。及是羣小各有

所左右。同黨中日夜交軋。秉謙不自安。遂乞歸。崇禎初。削籍。尋

入逆案論徙。家居。又為鄉黨所惡。聚眾謗辱之。屋室貴財。焚掠殆盡。秉謙竄漁舟得免。久之。寄居他縣以死。

冬十月。進魏忠賢爵上公。從子良卿寧國公。

三殿告成。

先是。皇極殿成。帝御殿受賀。忽有聲如怒濤。自殿中出。羣臣班亂。

太監李永

貞奏魏忠賢功。吏部尚書周應秋亦奏如永貞言。忠賢

遂進上公。加恩三等。良卿前已封肅寧伯。晉侯。是年春。遼陽男

子武長。春遊妓家。有妄言。東廠擒之。許顯純掠治。故張其辭云。長春謀間。不獲。且為亂。賴廠臣忠智。立奇勲。詔

封良卿為肅寧伯。至是復進封公。已而諸邊築隘口成。賜鐵券。等晉為侯。

南京孝陵工竣。甘肅奏捷。法司捕盜。並言忠賢區畫方略。詔書褒美。閣臣皆擬九錫文。半歲中。廕錦衣指揮使

十七人。同知三人。僉事一人。擢其族孫希孟。希孔等。世襲都督同知。甥傅之琮。馮繼先。俱都督僉事。章奏無巨

細。輒頌忠賢。稱厥臣不名。山東奏產麒麟。大學士黃立

極等票旨。言。厥臣修德。故仁獸至。其誣罔若此。

故事。內官為司

禮秉筆。非公事不得出。忠賢每歲必數歷畿甸。坐文軒。駕四馬。笙鼓饒吹之聲。轟隱黃埃中。錦衣玉帶。鞞袴而握刀者。夾車左右而馳。自厨傳優伶。蹴鞠輿皂。隨者動以萬數。嘗自琉璃河祭水還。歷西山碧雲寺。士大夫皆遮道拜伏。凡有章奏。其黨遣急足馳請。然後下。客氏既朝夕侍帝所。而每數日必出至私第。輿過乾清宮前。竟不下。客氏盛服倩粧。儼同妃后。侍衛赫奕。照耀衢路。至宅。則老祖太太千歲之聲。喧呼震地。犒賚銀幣無算。或

數日不返。忠賢促之知入。凡忠賢濁。

七年春正月。以太監崔文昇總督漕運河道。

文昇先侍光宗。藥為廷臣所論。已放南京。

事見前

魏忠賢

作三朝要典。遂召還。至是命兼督河漕。

二月召王之臣還。

先是袁崇煥與滿桂不協。請移之他鎮。乃召桂還。既而之臣奏留桂。崇煥又與不協。中朝慮債事。命之臣專督

關內。以關外屬崇煥。畫關而守。至是朝議以二人既不

相能。召之臣還。罷經略不設。令崇煥盡統關內外軍。

崇煥

與趙率教巡歷錦州。大小凌河。議大興屯田。漸復高第

所棄舊土。會

大清兵方討朝鮮。渡鴨綠江。崇煥乘間遣將繕錦州。中左。大凌。三城未畢。朝鮮及毛文龍同告急。朝命崇煥發兵。

往援。崇煥以水師援文龍。又遣率教等九將。將精卒逼三岔河。爲牽制之勢。而朝鮮已爲

大清所服。諸將遂引還。

勒太康伯張國紀回籍。

國紀。皇后父也。后性嚴明。見魏忠賢及客氏亂政。數于上前言之。客魏交恨。一日。帝至后宫。后方讀書。帝問何

書。對曰。趙高傳也。帝嘿然而出。忠賢聞之。益恨。會有張

匿名榜于厚載門者。列忠賢反狀。及其黨七十餘人。忠

賢疑國紀爲之。邵輔忠孫杰欲因此興大獄。借國紀以

搖中宮。事成。則立魏良卿女爲后。草一疏。募人上之。諸

人慮禍不敢承。順天府丞劉志選年老而嗜進。無厭。志

與葉向高同舉進士。由主事謫知縣。復以大計罷歸。三十年不得起。會向高再召。道杭州。志選與遊。讌彌月。還

朝用爲南京主事。卽上疏追論紅丸事。力詆孫惑家人。慎行。忠賢大喜。累擢至府丞。時年已七十餘矣。

言謂已老必先忠賢死也。竟上之疏。中極論國紀罪。末

言母令人訾及丹山之穴。藍田之種。蓋忠賢嘗誣后非

國紀女。故云。疏上。事叵測。帝無所問。但令國紀自新而

已。忠賢意大沮。梁夢環偵知之。復申論志選疏。且故詰

丹山藍田二語。忠賢將從中究其事。大學士李國楷及

王體乾交沮之。事乃止。而國紀竟勒歸故郡。

三月。遣瑞王常浩及惠王常潤。桂王常瀛之藩。

三王皆帝叔父。魏忠賢潛懷逆謀。不利其在內。御史張

訥希指。卽疏趣之藩。于是三王以次就國。瑞王先之。漢中。惠王繼之。

荆州。踰月後。儀物禮數。刻意貶損。羣小反盛稱忠賢節。桂王之衡州。

費爲國帝卽下詔褒美。

夏四月逮前刑部侍郎王之宗。

之宗于天啟初累遷刑部侍郎後以要典成削籍

下獄死。

劉志選疏頌要典言命德討罪無微不彰卽堯舜之放

四凶舉元愷何以加焉且云慷慨憂時力障狂瀾于旣

倒者魏廣微也當還之揆席以繼五臣之盛事赤忠報

國弼成巨典于不刊者厥臣也當增入簡端以揚一德

之休風又言王之宗宜正典刑孫慎行宜加遣戍

之宗于天

啟初上復仇疏中言挺擊之謀變而爲用藥之術蓋挺

不中而藥促之是文昇之藥慘于張差之挺也而慎行

辨折紅丸有曰由前則過信可灼有輕進之罪由後則

曲底可灼有不討賊之罪兩者皆無可逃其言峻直故

羣小恨忠賢矯旨逮之宗下詔獄坐以贓八千竟瘐死

閹奴僭肆至忠賢而已極
一時趨承諂事幾乎翻覆
亂常陸萬齡濫廁成均竟
敢以忠賢上配孔子彼亦
居然人面而昧良忘本直
是犬豕不如林鈺塗抹掛
冠尙能稍扶名教乃朱之
俊覲顏師儒之席公然奏
請施行實乃斯文道喪然
當時寡廉鮮恥之徒取悅
奸璫者忍于蔑視君上又
豈特無禮于先師哉

慎行亦遣戍寧夏。知府曾櫻故緩之未行而忠賢敗。

五月監生陸萬齡請祠魏忠賢于國子監許之。

萬齡請以忠賢配孔子。忠賢父配啟聖公。其疏曰。孔子

作春秋。厥臣作要典。孔子誅少正卯。厥臣誅東林黨人。

禮宜並尊。持疏詣司業林鈺。字實甫同安人。鈺援筆塗抹。卽夕

掛冠櫛星門去。司業朱之俊爲奏請從之。鈺坐削籍。

秋七月。罷袁崇煥。以王之臣代之。

時我

太宗文皇帝親督兵至大凌河。守城士卒皆遁。遂進圍錦州。太

監紀用。總兵趙率教遣使請和。我

大清遣書責之。袁崇煥令祖大壽等統精兵四千繞出

大清兵後。別遣水師東出。相牽制。大壽等未至。

大清已分兵抵寧遠城下。崇煥督將士登陴列營。濠內用礮拒擊。而滿桂亦率尤世威以兵來赴。我

大兵疾馳進擊。大敗之。追至城下。尸填濠塹皆滿。尋解寧遠圍。復益兵攻錦州。以溽暑不能克。毀大小凌河二城而還。時稱寧錦大捷。魏忠賢使其黨劾崇煥不救錦州。崇煥乞休去。以王之臣代之。及論功。文武冒濫增秩。賜廕者數百人。崇煥止增一秩。尚書霍維華嘗進仙方。靈漸厭。及得疾。體腫。忠賢以咎維華。維華懼甚。慮帝不測。有後患。欲先自貳于忠賢。會寧錦敘廕。維華請以讓崇煥。忠賢覺其意。降旨頗厲。

封魏忠賢從孫鵬翼爲安平伯。加少師。從子良棟東安侯。

忠賢紊亂朝常明之元氣
股削已盡肅宗至是尙予
哀嘉可謂至死不悟然當
時召見諸臣原不過爲若
輩所惑藉此以觀舉朝意
向至云忠賢可計大事則
其假詞制衆逆謀窺竊顯
然獨以呈秀秘計時未可
行兼意信王年尙未冠冀
亦如熹宗之易與不妨隨
時取濟耳若以慈恩嗣位
爲羣小真心擁戴何異疑

加太子太保良卿加太師。

良棟鵬翼尙在襁褓。鵬翼以寧錦奏捷封。良棟以殿丁
封。從吏部尙書周應秋請也。良卿至代天子享南郊。祭
太廟。于是天下皆知忠賢欲竊神器矣。

八月帝崩。遺詔皇五弟信王嗣位。

先是帝不豫。召閣部科道諸臣于乾清宮。諭以魏忠賢
王體乾皆恪謹忠貞。可計大事。黃立極等對曰。陛下任
賢勿貳。諸臣敢不仰體。越數日大漸。遂崩。遺詔以弟信
王嗣位。王卽夕入居宮中。羣臣于比明始至。方入臨。內
使十餘人傳呼崔尙書甚急。呈秀入。與忠賢密謀久之。
語秘不得聞。或云忠賢欲篡位。呈秀以時未可止之也。

人說

御批歷代通鑑輯覽

卷之三百三

三

信王由檢卽位。是為莊烈帝。赦。

以明年為崇禎元年。

九月。追諡母賢妃劉氏。海州人。籍宛平。為孝純皇后。

立皇后周氏。蘇州人。生員奎之次。奎後封嘉定伯。

追尊光宗選侍李氏。卽東李。見前。為莊妃。

以撫育恩也。

冬十月。南京地震。

十一月。放魏忠賢于鳳陽。道死。詔磔其屍。

帝素稔忠賢惡。深自儆備。及卽位。其黨自危。楊所修。楊

維垣。先劾崔呈秀。先以嘗帝。呈秀先丁母憂。奪情視事。不用線纒。及是。所修請令

呈秀守制。維垣繼攻之。呈秀罷歸。于是主事陸澄源。平湖人。錢元愨。

魏闖流毒貫盪中外。切齒一時。工寮俯首莫敢誰何。其尤甚者。方且呈身義兒。播惡于眾。邪猷之熾。實自古所僅見。迨莊烈嗣位。既已洞燭其奸。庶幾一快神

人之憤若給事楊所修前此請輯三朝要典原屬逆黨推波助瀾之人至是始識冰山難恃猶觀望遠巡姑劾呈秀以嘗帝蓋明季士大夫波流之習浸淫日久其為門戶擊排者固涉客氣虛憍下此則一味詭譎國時起倒而已其真能持正嫉邪者自周宗建楊漣諸人而外固指不多屈真士林之恥也

歸安人。員外史躬盛烏程人遂交章並論忠賢而嘉興貢生

錢嘉徵更劾忠賢十大罪一並帝二蔑后三弄兵四無

二祖列宗五尅削藩封六無聖七濫爵八掩邊功九廢

民十通關節疏上帝召忠賢使內侍讀之忠賢震恐喪

魄急以重寶昭信邸大監徐應元求解應元故忠賢博

徒也帝知之斥應元安置忠賢于鳳陽榜其罪示天下

尋命錦衣衛逮治忠賢行至阜城聞之與其黨李朝欽

偕縊死乃磔其屍懸首河間呈秀聞忠賢死亦自縊明

年追戮其屍言者劾呈秀為五虎之首宜肆市朝有詔逮治籍其家呈秀聞之列姬妾羅諸珍寶

呼酒痛飲盡一卮卽擲壞之飲已自縊詔開棺戮屍子弟皆遣戍

罷諸邊鎮守中官

免天啟時逮死諸臣賊釋其家屬

黃立極罷

山陰監生胡煥猷上疏論黃立極施鳳來張瑞圖李國
槽等身居揆席一意媚闇並宜斥罷帝除煥猷名立極
不自安乞休去

十二月以錢龍錫

字稚文松
江華亭人

李標

字汝立
高邑人

來宗道

蕭山
人

楊

景辰黃道登

吳江
人

劉鴻訓

字默成
長山人

並為禮部尚書兼東閣

大學士預機務

帝舜官占蔽志之語所以
訓禹辭位非謂辨論官材
必當取信于神也後世乃
沿襲為金甌擇相故事夫
探枚夾箸思欲得真材于

帝以施鳳來輩皆忠賢所用不足倚詔廷推閣臣倣古
枚卜典召九卿科道入乾清宮貯名金甌焚香肅拜以
次探之得龍錫標宗道景辰輔臣以天下多故請益一

摸索暗中簡其爲可笑
道行特言

二人復得道登鴻訓並命入閣。

客氏及魏良卿侯國興等伏誅。

先是熹宗崩客氏出外宅。

氏于五更赴梓宮前出一小函用黃色龍袱包裹皆熹宗

胎髮痘痂及累年落齒刺髮等痛哭焚化而去。

及是詔赴浣衣局掠死籍其家。

良卿國興與客光先等皆棄市。

家屬無少長皆斬。嬰孩赴市有眈睡未醒者人

以爲慘毒之報莫不快之。

方客氏之籍也于其家得宮女八人蓋將

效呂不韋所爲帝大怒命悉笞殺之。

御批歷代通鑑輯覽卷之一百十四

明

莊烈帝

戊辰崇禎元年春正月詔中官非奉命不得出禁門

尊熹宗皇后爲懿安皇后

三月葬德陵

諡曰愍皇帝廟號熹宗

明史贊曰明自嘉靖而後綱紀日以陵夷神宗末廢壞極矣雖有剛明英武之君已難復振而重以帝之昏庸婦寺竊柄濫賞淫刑忠良慘禍億兆離心雖欲不亡何可得哉

贈卹冤陷諸臣

諸忤逆璫逮死若楊漣左光斗魏大中周順昌等皆贈

卹有差。既而鄒元標、馮從吾、高攀龍諸人亦俱貽厥。

施鳳來、張瑞圖罷。

御史羅元賓

會稽人。

疏糾鳳來等，以為綸綍之重任，總歸

閣宦之權衡。欲尚公則尚公，欲封爵則封爵。欲建祠則

建祠，欲誅殺削奪，則誅殺削奪。情面多而擔當少。爵祿

重而謀國輕。遂使黃扉為置郵之所，輔臣若執簿之官，

誤國徇私，莫此為甚。帝是其言。鳳來、瑞圖遂俱乞罷。

陝西天赤如血。

是月二十五日，陝西全省天赤如血。至己刻漸黃，日始

出。

占主大旱，有暴兵。

夏四月，以袁崇煥督師薊遼。

鳳來等積惡已深，元賓入列諫垣，前此何以禁無一語，窺其意不過懼閣餒方熾，遂爾依違澳澌，直至羣奸距脫，始欲藉一疏以沽直名，殊為可鄙。迨瑞圖既已劾罷，而定逆案時，閣臣尚以其無實狀為詞，可見當時廷臣心術壞盡，祖庇固行其私意，卽糾彈亦非出公心，世風凌替極矣。

初崇煥以忤魏忠賢去忠賢既伏誅廷臣爭請召崇煥

至是進兵部尚書督師薊遼崇煥尋至都帝召見平臺

即後右門明代亦名曰平臺

咨以方略對曰臣受陛下特眷願假便

宜計五年全遼可復帝退少憩時廷臣咸在給事中許

譽卿叩以五年之畧崇煥言聖心焦勞聊以是相慰耳

譽卿曰上英明安可漫對異日按期責效奈何崇煥慚

然自失頃之帝出即奏言東事本不易竣陛下既委臣

臣安敢辭難但五年內戶部轉軍餉工部給器械吏部

用人兵部調兵遷將須中外事事相應方克有濟帝爲

飭四部臣如其言崇煥又言以臣之力制全遼有餘調

衆口不足一出國門便成萬里忌能妬功夫豈無人即

不以權力掣臣肘。亦能以意見亂臣謀。帝起立傾聽。諭之曰。卿勿疑慮。朕自有主持。大學士劉鴻訓等復請賜崇煥尚方劍。假之便宜。帝悉從之。崇煥復上言。恢復之計。不外臣昔年以遼人守遼土。以遼土養遼人。守為正著。戰為奇著。和為旁著。之說。法在漸。不在驟。在實。不在虛。此臣與諸臣所能為。至用人之人。與為人用之人。皆至尊司其鑰。何以任而勿貳。信而勿疑。蓋馭邊臣與廷臣異。軍中可驚可疑者殊多。但當論成敗之大局。不必摘一言一行之微瑕。事任既重。為忌實多。諸有利于封疆者。皆不利于此身者也。況圖敵之急。敵亦從而間之。是以為邊臣甚難。臣非過慮。但中有所危。不得不告。帝優詔答之。

五月李國楷罷。

國楷雖魏忠賢同鄉。然每持正論。至是乞歸。薦韓爌。孫

承宗自代。旋卒于家。

諡文敏。

毀三朝要典。

魏忠賢既誅其黨楊維垣等護持舊局上疏力詆東林

與崔魏並指為邪黨編修倪元璐字玉汝上虞人再疏攻駁柄

國者兩解之元璐尋上言請毀三朝要典略曰梃擊紅

閔于清流而三朝要典一書成于逆豎其議可兼行其

書必當速毀蓋當事起議與盈廷互訟主梃擊者力護

東宮爭梃擊者計安神祖主紅丸者仗義之言爭紅丸

者原情之論主移宮者弭變于幾先爭移宮者持平于

事後數者各有其是不可偏非總在逆璫未用之先雖

甚水火不害垣簾此一局也既而楊連二十四罪之疏

發魏廣微此輩門戶之說與于是逆璫殺人則借三案

羣小求富貴則借三案經此二借而三案面目全非矣

故凡推慈歸孝于先皇正其頌德稱功于義父此又一

局也網自密而猶疑有遺鱗勢已重而或憂其翻局崔

魏諸奸始創立私編標題要典以之批根今日則衆正

之黨碑以之免死他年即上公之鐵券又一局也由此

而觀三案者天下之公議要典者魏氏之私書三案自

三案要典自要典今為金石不刊之論者誠未深思臣

謂翻即紛囂改亦多事惟有毀之而已夫以閣豎之權

而役史臣之筆亘古未聞當毀一未易代而有編年不

直書而加論斷。若云彷彿明倫規模大典。則是魏忠賢欲與肅皇帝爭聖。崔呈秀可與張孚敬比賢。逆非倫當毀二。矯誣先帝。偽撰宸篇。既不可比。可馬光資治通鑑之書。亦不得援宋神宗手製序文爲例。假竊誣妄。當毀三。況史局將開。館抄具備七載。非難稽之世實。疏上錄有本等之書。何事留此駢枝。供人唾罵。當毀四。帝從之。遂焚其板。

六月。來宗道楊景辰罷。

宗道代李國櫓爲首輔。事多詭隨。編修倪元璐屢言時事。宗道笑曰。渠何事多言。詞林故事。止香茗耳。時謂宗道爲清客宰相。景辰先與宗道爲要典副總裁。一徇奸黨指。及朝局已變。乃請毀要典。言官交章劾之。遂與宗道同罷。

秋。七月。浙江海溢。

海寇鄭芝龍

泉州南安人。降。

閩海故多盜。芝龍尤猖獗。

據海島。截商聚。會閩中。海饑。求食者多。歸之。勢益熾。然

嘗敗官軍不追。獲將士不殺。當事者遣使撫諭。遂降。會

福建巡撫熊文燦

貴州永寧衛人。

至。善遇之。使為已用。芝龍先

後擊殺羣盜李魁奇、鍾斌等。擢授遊擊。後又平巨寇劉

香。

閩素有紅夷之患。香乘之。連犯閩廣沿海諸邑。文燦令參政洪雲蒸往賊舟宣諭。被執。芝龍乃合廣東兵。

擊香于遠洋。香脅雲蒸止兵。雲蒸人呼曰：「我矢死報國。急擊勿失。」遂遇害。芝龍兵進。香勢蹙。遂自焚死。其家屬

詣浙江降。

洪雲蒸。長沙人。

海氛漸息。芝龍尋擢副總兵。數以海利交通權要。寢以貴顯。

革廣寧及薊鎮塞外諸部歲賞。

先是廣寧塞外綽哈諾木圖古雲

舊作貴英。今改。及薊鎮喀爾

沁三十六家。歲授撫賞。至是盡革去之。會歲饑。諸部請

粟復不許。因是攜貳我。

大清悉收用之。

寧遠兵變。

調兵而兵諱索餉而餉維
明季崇禎之世國用益
可問然當時潢池未甚蔓
延荒札未聞遍及何至歲
入輒告不充蓋由諸司浮
冒居多侵漁無忌卽轉饟
饋運亦半蝕于邊吏償師
之手又復上下蒙庇稽核
不嚴以致持籌者時形支
絀耳畢自嚴自擊時艱當
慎出入以釐盡耗乃襲孔
桑故智思蔽印增課搜括

川湖兵戍寧遠者缺餉四月大譟餘十三營起應之縛
巡撫畢自肅總兵官朱梅于譙樓自肅上疏自劾脫走
中左所自經督師袁崇煥聞變馳至捕斬首亂餘撫定
之請令祖大壽_{遼東人}仍駐錦州中軍副將何可綱_{遼東人}
隨已駐寧遠而移薊鎮趙率教于關門遂罷寧遠及登
萊巡撫特度支大絀錦州薊鎮兵相繼譁戶部尚書畢
自嚴_{字景曾淄川人}言一歲之出浮于所入一百一十三萬有
奇而內供召買不與焉帝命羣臣各陳所見自嚴擇其

紛紜國未足而民先病其
後梁廷棟復效爲畝加三
釐之議科斂誅求脂膏已
竭而腹削更深致愁怨無
聊者多靡然從盜推厥禍
首非自嚴而誰

可者先後列上增鹽引議鼓鑄括雜稅覈隱田增關課
皆瑣屑權宜之計民以重困

九月京師地震

冬十月劉鴻訓免尋遣戍

先是魏忠賢雖敗其黨猶滿朝言路新進者羣起擊之
諸執政李國櫓等故嘗事忠賢不敢有所別白鴻訓至

閣毅然主持次第斥楊維垣李恒茂楊所修孫之獬

之獬

爲侍講聞要典將毀諸閣力爭且阮大鍼等人情大快

勦哭天下笑之之獬淄川人而羣奸餘黨恨刺骨帝數召見廷臣鴻訓應對獨敏謂

民困由吏治失請帝久任責成帝嘉納之至是惠安伯

張慶臻偉曾總督京營敕內有兼轄捕營語提督鄭其

心以非舊例。

舊例督京營者。不轄巡捕軍。

論之。命覈中書改敕之故。

下舍人田嘉璧獄。而給事中李覺斯

廣州東莞人。

言。事由兵

部具藁送輔臣審定。中書繕寫。兵部及輔臣皆當問。帝

心疑其事。乃御便殿。問諸閣臣。皆云不知。帝怒。令廷臣

劾奏。于是覺斯言慶臻納賄。御史吳玉

壽陽人。

言。鴻訓主

使。而帝閱兵部揭。有鴻訓批西司房語。帝意謂事已大

著。即令內閣擬旨。閣臣合詞申辨。不納。遂落鴻訓職。謫

戍代州。兵部尙書王在晉削籍。慶臻以世臣。停祿三年。

後鴻訓卒于戍所。福王時復官。

十一月。召對廷臣于文華殿。禮部侍郎錢謙益

字受之。常熟人。

以罪削職。都給事中章允儒

南昌人。

等。降謫有差。

詔會推閣臣。廷臣列吏部侍郎成基命。字靖之。大名人。及謙益

等名以上。時同推者。鄭以偉。李騰芳。孫慎行。何如寵。薛

人。鄭以偉。字子器。上饒人。何如寵。字康侯。桐城人。薛三省。字魯淑。定海人。羅喻義。益陽人。禮部尚

書溫體仁。字長卿。烏程人。以無素望不與。侍郎周延儒。字玉繩。宜興人。

方奏對稱旨。先是。錦州兵譁。袁崇煥請給餉。帝召問諸

敵。今且防兵。寧遠譁。餉之。錦州譁。復餉之。各邊效尤。帑

將安給。帝曰。卿謂如何。延儒曰。事迫不得不發。但當求

經久之策。帝悅曰。卿言是也。降旨責羣臣。越數日。復召

問。延儒曰。餉莫如粟。山海積粟不缺也。缺銀耳。何故譁。

安知非驕弁搆煽。以脅崇煥邪。帝方疑邊將要挾。聞延儒言。復悅曰。卿言是。由此屬意延儒。亦弗及

體仁揣帝意必疑。遂上疏訐謙益。前典試浙江。關節受

賄。不當與閣臣選。謙益于天啟二年。典試浙江。有奸人

一朝平步上青天句。分置七義結尾。授舉子錢千秋。遂

保元時敏所賣與之閔事傳京師爲部科磨勘者所發謙益大駭卽具疏劾二奸及千秋俱下吏論戍謙益亦奪俸二奸尋斃千秋遇赦釋還事已七年矣至是帝果體仁以枚卜不與疑謙益實沮之遂復發其事帝果

心動次日召對閣部科道諸臣于文華殿命體仁謙益皆至謙益不虞體仁之劾已也辭頗屈而體仁盛氣言謙益言如泉湧因進曰臣職非言官不可言會推不與宜避嫌不言但枚卜大典宗社安危所係謙益結黨受賄舉朝無一人言者臣不忍見皇上孤立于上是以不得不言帝久疑廷臣植黨聞體仁言輒稱善而執政皆言謙益無罪吏科都給事中章允儒爭尤力且言體仁熱中觖望如謙益當糾何俟今日體仁曰前此謙益皆閒曹今者糾之正爲朝廷慎用人耳如允儒言乃真黨

錢謙益關節一事真僞雖不可知然前此草率具獄時溫體仁已官禮部何不問特疏糾陳乃因不與廷推輒假公直之名潛行傾

軋章允儒斥其熱中缺望
實洞見癥結之言體仁顧
以謙益昔皆聞曹為解尤
為理窮辭遁殊不思科目
與名器資緣干進犯卽
設如所言則謙益或
校下竟可不加窮治
而表僚散秩皆可聽其公
行舞弊乎如此閃爍支離
莊烈尚深信而亟賞之甚
矣其蔽也

也。允儒曰：黨之說，小人以陷君子。天啟朝可鑒。帝怒，命
禮部進千秋卷，責謙益。謙益引罪。帝嘆曰：微體仁，朕幾
誤。遂叱允儒下獄，并切責諸大臣。時大臣無助體仁者。
獨延儒奏曰：會推名雖公，主持者止一二人，餘皆不敢
言。卽言，徒取禍耳。且千秋自有成案，不必復問。帝乃卽
日罷謙益官。議罪。坐杖論贖允儒及給事中瞿式耜。字起田，常熟人。
御史房可壯。益都人。等皆坐謙益黨，降謫有差。千秋復逮問，荷校死。

十二月，韓爌復入閣。

先是五月，詔遣行人召爌。及是始至，會帝以錢謙益事。

悉置廷推者不用，遂命爌復為首輔。

時劉鴻訓方被重譴，爌至，卽疏救。不

聽。溫體仁既訐錢謙益，御史毛九華任贊化亦疏訐體仁。帝再召內閣九卿質之。體仁力詆九華，贊化為謙益

私黨。帝以爲然。秉燭召熿等于內殿。謂進言者不憂國而植黨。當重繩以法。熿退。具揭言。人臣不可以黨事君。人君亦不可以黨疑臣。但當論其才品臧否。職業修廢。而黜陟之。若戈矛妄起于朝堂。畛域橫分于官府。非國之福也。不納。毛九華拔縣人。任贊化。聞喜人。

陝西饑。流賊大起。流賊始此。

先是。闖黨喬應甲巡撫陝西。朱童蒙巡撫延綏。皆貪黷不恤民。又連歲大祲。白水賊王二。府谷賊王嘉允。宜川賊王左掛等。一時並起。攻城堡。殺官吏。安塞馬賊高迎祥。自稱闖王。饑民王大梁。自稱大梁王。聚衆應之。三邊饑軍亦羣起爲盜。大吏惡聞賊。曰。此饑氓。徐自定耳。已而帝從給事中劉懋。臨潼人。議。裁驛站冗卒。事在明年。山陝游民仰驛糈者。無所得食。皆從賊。

巳巳二年春正月周道登罷。

道登嘗召對。帝問宰相須用讀書人。何解。對曰。容臣至閣中檢閱回奏。帝有愠色。又問章奏內多有情面二字。何也。對曰。情面者。面情之謂。左右皆匿笑。道登前在禮部。多有爭執。及柄政後。排正人。庇私交。屢爲言路所劾。帝悉下其章廷議。尚書王永光等言所劾有據。遂放歸。三月。定逆案。

韓爌等受詔審定爰書。自當持平。詳覈俾奸徒不至漏網。乃始則托言不知。內侍繼復以法非所習。爲詞而王永光亦以不諳刑名自諉。曾不計逆黨之朋謀害政。實國法所難寬。顧以廣搜樹怨爲虞。而甘爲之容私曲徇其心。豈可復問。

詔定魏忠賢逆案。閣臣韓爌等不欲廣搜樹怨。列上者少。帝不懌。令以贊導擁戴頌美諂附爲目。因曰。忠賢一內豎耳。苟非外廷助虐。何遽至此。且內廷同惡者亦當入。爌等以不知內侍爲對。帝曰。豈皆不知。特畏任怨耳。

喬允升等所定之案雖
若羅列無遺然其擬服上
刑者類皆已經正辟之人
而擁戴僅止荷戈詣附亦
樂從城旦所坐失倫究不
免于陰行庇護以懲奸重
事而諸臣瞻顧遲迴竟不
克持明允以昭炯戒明季
朝臣積習頹壞于此可見
安得不淪于亡

閱日召入便殿案有布囊盛章奏甚夥指之曰此皆奸
黨頌疏可案各悉入熾等知帝意不可回乃曰臣等職
在調旨三尺法非所習帝召吏部尚書王永光問之以
不習刑名對乃詔刑部尚書喬允升左都御史曹于汴
同審定于是案所羅列幾無脫遺至是上之帝親加裁
定自魏忠賢客氏依謀反大逆律磔死外以六等定罪
曰首逆同謀崔呈秀及魏良卿侯國興等六人俱立斬
曰交結近侍劉志選梁夢環倪文煥許顯純等十九人
俱斬秋後處決曰交結近侍次等魏廣微周應秋閻鳴
泰楊維垣等十一人及逆孽魏志德等三十五人俱充
軍曰諂附擁戴太監李實等十五人亦俱充軍曰交結

迎烈承天啟廢弛之後力
爲整頓尚有志于明作有
爲但其燭理不明加以多
疑偏執往往于瑣屑處委
曲推尋小過或偶見搜求
巨惡轉任其朦蔽所以賢
奸雜進刑賞乖方暮改朝

近侍又次等。顧秉謙、馮銓、王紹徽等一百二十八人俱

坐徒三年。贖爲民。曰交結近侍減等。黃立極等四十四

人俱革職閒住。又于諸人姓名下各注所犯。刊布中外

知之。

方案初定。張瑞圖來宗道及賈繼春皆不與。帝召見閣臣及允升。手沐于平臺。詰之。閣臣等以瑞圖

宗道無實狀對。帝曰。瑞圖工書。爲忠賢所愛。宗道爲崔

呈秀父請卹典。中有在天之靈語。非實狀邪。又問繼春

對曰。繼春雖反覆。然持論亦有可取。帝

曰。惟反覆故爲真小人。三人遂俱論徒。

以楊鶴字修齡。武陵人。總督三邊軍務。捕流賊。

鶴初官僉都御史。忤魏忠賢罷去。帝卽位。復官。進左副

都御史。

上言。自大兵大疫。加派頻仍。小民之元氣傷。遼

此相傾。逆閹乘之。誅鋤善類。封疆之元氣傷。搢紳構黨。彼

病初起。百脉未調。風邪易入。急當培養。而陛下事事屬

精。臨軒面質。或問之而未必盡知。事下六曹。或呼之而

未必立應。致干聖怒。數取譴誚。竊以爲過矣。今一切民

更迄無定見其受病不在精察之有餘而在英斷之不足楊鶴乃托培養元氣為名轉以事事廟精為太過實為謬妄是不過懼大權在上不能逞所欲為遂不顧其詞之害理果如所謂依法而委任責成則必至高拱無為而後已視神喜覆轍又何以異乎

生國計吏治邊防宜取祖宗成法委任責成嚴為之程寬為之地圖之以漸鎮之以靜何慮不臻太平哉報聞關中寇熾總督缺人乃拜鶴兵部尚書總督軍務討賊先是王大梁由畧陽逼漢中餘賊犯洛川淳化等十餘州縣固原逃兵周大旺等掠涇陽富平及鶴至商洛道參政劉應遇已先擊斬王二于白水又追斬大梁于漢南餘眾逃入山中殲之幾盡督糧道參議洪承疇泉州南安人擊破王左掛幾擒之會雷雨遁去副將賀虎臣保定人捕斬周大旺等賊渠多就誅滅鶴不能撫綏于是繼起者益眾延安榆林間隨處皆賊故事總督大臣率用邊撫知兵者鶴素不膺軍旅之任廟堂遽用之備禦方畧莫知為計後遂一意主撫卒以此敗

夏五月乙酉朔日食

帝以日食失驗。欲罪臺官。

時大統歷推食三分二十四秒。回回歷推食五分五十二

秒。徐光啟依西法預推。順天府食二分有奇。應天食六分有奇。瓊州食既。大寧以北不食。至期。光啟法驗。大統回回歷皆疎。回回歷出西域。洪武中置科。隸欽天監。與大統法參用。

禮部尚書徐光啟

言。臺官測候。本郭守敬法。元時嘗當食不食。無怪今日

之失。宜及時修治。參用西法。

光啟以歲差環轉。歲實參差。天有緯度。地有經度。列

宿有本行。月五星有本輪。日月有真會。視會。皆古所未聞。惟西法有之。宜取其歷法。參互考訂。與大統法會同歸從之。詔西洋人龍華民推步。光啟為監督。華民卒。更

代。西法之行自此始。

西洋新法。其初大約與回回歷相

六十秒。一日十二時。時八刻。刻十五分。有閏日無閏月。迨入中國。又通融中法。始復置閏月之類。窮推詳測。益加精密。于是授時大統之說漸細。

六月。袁崇煥殺總兵官毛文龍于雙島。

在今奉天府寧海縣西南海中。

崇煥素弗善文龍。大學士錢龍錫以崇煥召對時。有五年復遼語。因造寓詢方畧。崇煥曰。恢復當自東江始。文龍可用。則用之。不可用。則處之。易。易耳。比崇煥莅鎮。文龍來謁。接以賓禮。文龍不讓。崇煥益不悅。遂決意誅之。至是以閱兵爲名。泛海抵雙島。文龍來會。崇煥與相燕飲。每至夜分。文龍不覺也。崇煥議更營制。設監司。文龍怫然。崇煥以歸。鄉動之。文龍曰。向有此意。但惟我知東事。東事畢。朝鮮衰弱。可襲而有也。崇煥滋不懌。遂以六月五日。邀文龍觀將士射。先設幄山上。令參將謝尚政等。伏甲士幄外。文龍至。其部卒不得上。崇煥曰。予詰朝行。公當海外重寄。受予一拜。拜畢。登山。因詰文龍違令。

袁崇煥雖稍有才畧而粗率自月前此平臺召對已爲大言不慚至毛文龍雖慄慄不馴初未顯然跋扈崇煥卽欲加裁制要自有挫馭之方縱罪在當誅亦應請命于上乃以禮節微嫌輒行誘殺其專擅之罪較張浚之殺曲端爲更甚莊烈旣心駭其事非但不加責備轉用優旨報聞實乖馭將之體卽因邊事委

數事。文龍抗辨。崇煥厲聲叱之。命去冠帶繫縛。文龍猶倔強。崇煥數以十二罪當斬。數畢。文龍不能言。但叩頭乞免。崇煥召諭其從官曰。文龍罪狀當斬否。皆惶怖唯唯。中有稱文龍數年勞苦者。崇煥叱退之。乃頓首請旨。出尚方劍。斬文龍于帳前。然後出諭其部卒曰。誅止文龍。餘無罪。皆不敢動。分其兵爲四協。以文龍子承祚及副將陳繼盛等領之。遂還。具狀以上。帝驟聞意殊駭。旣念文龍已死。方任崇煥。乃優旨褒答。崇煥又上言。東江不能更置帥。卽以副將繼盛攝之。于計便。又慮部下爲變。請增餉銀至十八萬。帝皆報可。自文龍專閫海外。前後章奏。或多虛張失實。部下健兒勁卒。不下二萬餘崇

任方切亦何至廢法濫恩
若此目崇煥于東江重鎮
不復議置師臣致島眾益
孤劉興治遂據以滋亂而
慮部下為變即請增給餉
銀雖後此魏呈濶論奏終
不能除虛糜之弊崇煥之
措置乖方大畧可知莊烈
悉為報可而不復加籌度
其優柔自悞更可概見矣

煥恐其跋扈難制故必欲殺之然東江屹然巨鎮自文

龍死勢日衰弱且島弁失主帥心漸攜益不可用其後

致有叛去者明年參將劉興治殺陳繼盛等十一人以叛

秋八月總督雲貴川湖廣西軍務朱燮元平水西蠻

先是王三善遇害貴州官軍屢為安邦彥所敗廷議以

川師不協助宜令一人統之時蔡復一為貴州總督但

復一嘗遣總理魯欽搗織金賊巢鑿山開道攀藤穿竇

而入斬首千餘級窮搜不得邦彥而還復一以鄰境不

協討致賊未滅請敕四川出兵為犄角詔可之已而欽

為賊所乘兵潰復一自劾遂罷去蔡復一字敬夫同

安人魯欽乃晉燮元兵部尚書總督五省軍駐遵義在

天啟明年燮元賂賊黨殺奢寅寅凶淫口甚有阿引者

五年燮元賂賊黨殺奢寅寅凶淫口甚有阿引者

崇明年老無能為邦彥亦乞撫燮元聞于朝許之未幾

燮元以父喪去。賊復熾。帝元年起燮元故官。兼撫貴州。

至是。燮元徵雲南兵下烏撒。四川兵出永寧。下畢節。而

自率大兵駐陸廣。逼大方。貴州總兵許成名由永寧復

赤水。明衛在大定府畢節縣西。與四川敘永廳接界。以赤水河名。今廢。邦彥與崇明合

衆十餘萬來攻。燮元令成名佯退誘賊。而遣兵三路搗

其巢。四川總兵侯良柱。字朝石。永寧衛人。副使劉可訓。豐州人。遇

賊于永寧。與成名合擊。大破之。斬崇明。邦彥。俘數千人。

積年巨寇始盡。自崇明。邦彥。相繼作亂。雲貴諸苗出沒為患。副使朱家民與許成名等討平盤

江以外諸蠻。相度要害。築城置戍。廬井畢備。道途晏然。又以盤江居雲貴交。兩崖壁立。水深無底。廣二十餘丈。

乃仿瀾滄橋制。置鐵索鐵柱。橫木為板橋。建皮樓。築月城。以護之。遂為永利。朱家民。字同人。曲靖人。盤江。註

見前。盤江橋在南籠府安南縣東。亦曰鐵索橋。

冬十一月我

大清兵下遵化

我

太宗文皇帝親督大軍入龍井關以蒙古喀爾沁台吉布爾噶

圖魯受賞入邊用為嚮導遂攻克洪山口在遵化州北少東有關城

別將克大安口在遵化州西北亦有關城會于遵化山海關總兵官

趙率教入援戰死全軍覆沒率教馳抵三屯營總兵朱國彥不令入遂戰死已城

將破國彥冠帶西向稽首與妻張氏並投繯死三屯營在遵化州東今設副將駐守巡撫王元

雅太原人及保定推官李獻明時獻明以察核官庫在城或曰此邑非君所轄去無

罪獻明正色曰莫非王土安敢見危避難永平推官何天球東

人理遵化知縣徐澤字兌若襄陽人前任知縣武起潛字用

化軍餉遵化知縣徐澤字兌若襄陽人

賢等。憑城拒守。城破。皆死之。教諭曲毓齡。中軍彭文炳。守備徐聯芳。並死焉。

太宗文皇帝嘉元雅忠。命賜棺殮。聞曰。燕京始得報。帝召見廷

臣于平臺。諮方畧。侍郎周延儒言。本兵備禦疎忽。調度

乖張。檢討項煜。長洲人。繼之。且曰。世宗斬一丁汝夔。將上

震悚。彊敵宵遁。帝領之。遂下尚書王洽。臨邑人。于獄。洽雅

望。而應變非所長。帝方惡廷臣玩愒。故于洽不少貸。未幾竟瘐死。

以成基命。為禮部尚書。兼東閣大學士。預機務。召孫承宗

復為兵部尚書。兼中極殿大學士。視師通州。

基命。請速召還故輔承宗。任以兵事。帝然之。乃即命基

命入閣。而立召承宗至。入對。具陳方畧。帝稱善曰。卿且

為朕保護京師。承宗出。漏下二十刻矣。即周閱都城。五

鼓而畢。復出閱重城。明日夜半。忽傳旨守通州。時烽火徧郊。承宗從二十七騎疾馳抵通州。門者幾不納。既入城。與保定巡撫解經傳韓城人。御史方大任桐城人。總兵官楊國棟登陴固守。而以間復馬蘭在遵化州西北。有關城。今為馬蘭鎮。設總兵官。三屯二城。

總兵官滿桂督師袁崇煥先後入援。

時

大清兵越薊州而西。徇三河。擊走宣大援兵。遂下順義。我

太宗文皇帝命傳諭各城。

諭曰。爾國庇葉赫而戕害我。大恨有七。我知終不相容。告

天興師。

天直我國。賜我河東地。我

太祖皇帝猶願和好。爾國不從。

天又賜我河西地。我復累次願和。而爾主頻加欺凌。故今日興

師而來。順者撫。逆者誅。天運循環。得天者興。人豈能爲。非我恃強逞兵也。因進軍薄京城。營于城北土城關之東。總兵官滿桂入援。以五千騎先至。屯德勝門外。

大兵至。桂進戰。城上發大礮佐之。誤傷桂軍。桂亦負傷。帝遣中官勞以羊酒。令入休甕城。崇煥聞警。卽帥祖大壽。何可綱等入衛。所過諸城。皆留兵以守。旣至京師。帝甚喜。命盡統諸道援軍。與桂。大壽俱召見平臺。慰勞備至。崇煥請入城休兵。不許。請屯兵外城。如滿桂例。亦不許。詔天下鎮巡官勤王。

于是宣大總督。及宣府保定。河南。山東。山西。各巡撫。皆奏帥師入衛。詔應天。鳳陽。陝西。鄖陽。浙江。巡撫。俱勤王。

已而山西援兵潰于良鄉。逮巡撫耿如杞。總兵官張鴻功下獄。

十二月。下督師袁崇煥于獄。總兵官祖大壽擁眾奔出關。初。崇煥嘗建議請和。欲藉此緩師。以修理故疆。我

大清方有事朝鮮。亦欲假是以阻其兵。因得一意東討。乃

遣使以書相往來。已而崇煥奉旨戒諭。言路亦以爲非

計。事尋止。

後崇煥復以書詢錢龍錫。龍錫亦沮之。

及

大清兵深入。所破隘口。皆薊遼總督劉策

字範董。武定人。

所轄。崇

煥千里赴援。自謂有功無罪。然都人驟遭兵。怨謗紛起。

謂崇煥擁兵坐視。朝士因前通和議。誣其召兵脅和。將

爲城下之盟。帝頗聞之。不能無惑。會崇煥營沙窩門外。

伏兵隘口。我

大軍分道夾擊。盡殲之。崇煥復移營城東南隅。豎立柵木。大軍列陣逼營。不戰而還。會我

大清設間。令所獲宦官知之。

時大軍先獲明宦官二人。令副將高鴻中等守之。及是

鴻中等承

太宗文皇帝密計。于二宦官前作耳語。于今日撤兵。乃

上計也。頃見

單騎

向敵。敵有二人來見。語良久乃去。意袁巡撫有密約。事

可立就矣。時楊太監者伴卧竊聽。悉誌其言。遂陰縱使去。其人奔告于帝。帝遂信之

不疑。召見崇煥及大壽于平臺。詰崇煥以殺毛文龍故。

且責其援兵逗遛。縛付詔獄。成基命叩頭。請慎重者再。

帝曰。慎重即因循。何益。基命復叩頭曰。兵臨城下。非他

時比。帝不省。大壽在旁股慄。懼并誅。出。即與何可綱擁

衆東走。毀山海關去。遠近大震。大壽先嘗坐事當死。賴

崇煥救免。基命言于帝。就獄中取崇煥手書招之。督師

孫承宗亦遣馬世龍追撫。

世龍先以罪繫獄時已釋出。立功自効。

密令上

章自列。且立功贖督師罪。大壽如其言。帝優旨答之。命

承宗移鎮關門。大壽斂兵待命。

可綱亦歸。

我

大清兵薄永定門。武經畧滿桂及總兵官孫祖壽

字必之。昌平人。俱

戰歿。

我

大清兵既薄京城。諸貝勒大臣等咸請進攻。

太宗文皇帝不許。兩遣使齎書議和。遂自德勝門移營南苑。已

而分兵下固安。克良鄉。知縣党還醇

字于貞。教諭三原人。死之。安上

達訓導李廷表典史史之棟驛丞楊其禮皆死焉。回軍至盧溝橋。副總兵申甫

結車營以拒。

大清兵繞出其後。盡殲之。

申甫者僧也。好談兵。私製戰車。火器。庶吉士金聲薦之。帝立召

見。取其車入覽。即擢副總兵。令募新軍。改聲御史監之。甫倉卒召募。皆市井游手。軍裝戎器。又不時給。及戰。御車者皆惶懼。不能轉。殲戮殆盡。甫亦陣亡。金聲字正希。休寧人。遂南薄永定門。時以

袁崇煥下獄。特設文武兩經畧。以尚書梁廷棟鄢陵人。及

滿桂為之。屯西直安定二門。帝趣桂出師。桂言眾寡勢

殊。未可輕戰。中使趣之急。不得已。乃督孫祖壽等移營

南城外三里許。列柵以待。明日昧爽。

大清以精騎四面蹙之。桂及祖壽等戰不支。遂俱歿。京師

大震。

時帝不視朝。傳旨辦布囊八百。中官競獻馬騾。又令百官進馬。順天府尹劉宗周曰。是必有以遷幸。

動上者乃疏言國勢彊弱視人心安危乞延見百僚諭以固守外無他計俯伏待報自晨迄暮中官傳旨乃退

劉宗周字起東山陰人

錢龍錫罷

御史高捷寧晉人史堇清苑人本閩黨王永光引用之頗為

龍錫所扼兩人因是大恨方袁崇煥之殺毛文龍也報

疏有輔臣龍錫為此一事低徊過臣寓語而崇煥欲成

和議又嘗以書商于龍錫及是崇煥已下獄捷堇遂上

言以通款殺將皆龍錫發蹤指示宜與崇煥並罪帝以

龍錫忠慎戒無過求龍錫抗章申辨捷堇再疏力攻詞

益危切帝意頗動龍錫再辨引疾乃即放歸時兵事方

棘未暇竟也

錢龍錫阻抑邪黨立身尚有可稱至袁崇煥擅殺島帥豈關龍錫主謀且當時尚未罪擅殺之人顧事後輒因過寓一言坐局外者以發蹤指示豈為平允好人借端抨擊使爾往來如斯莊烈始猶戒勿苛求迫再疏力攻遂不免意移色動放還未久逮繫旋加幾至沉寃西市前此熊廷弼之獄楊左皆坐以慘毒殞身莊烈豈無聞見何羣小效尤羅織竟不一加深察耶

以周延儒何如寵錢象坤

字宏載會稽人

並為禮部尚書兼東閣

大學士預機務

延儒性機警善伺意指以會推不預與溫體仁比數為言者所劾帝不聽特命入閣時都人桀黠者請以私財聚眾助官軍如寵力言其叵測會帝得偵事者報與如寵言合由是受知象坤奉命守城祁寒不懈帝覘知之遂並命入閣

庚午三年春正月韓爌罷

中書舍人加尚寶卿原抱奇

故由輸貴進

以爌為袁崇煥座

主遂劾爌主和誤國宜與錢龍錫並罷帝重去爌貶抱

奇秩無何庶子丁進

上虞人

以遷擢愆期怨爌亦劾之而

工部主事李逢申

上海人

劾疏復繼上。燼三疏引疾歸。

先燼

後作相。老成慎重。引正人。抑邪黨。天下稱其賢。初。熊廷弼既死。傳首九邊。屍不得歸葬。後其子詣闕疏請。燼言于帝曰。廷弼之死。由逆闖欲殺楊連左光斗。誣以行賄。因盡殺連等。復懸坐廷弼贓銀。刑及妻孥。此寃之甚者。帝乃許收葬。

兵部侍郎劉之綸

字元誠。宜賓人。

帥兵至遵化。敗歿。

之綸以庶吉士上書陳方畧。帝壯之。會金聲薦其知兵。帝卽召見。奏對稱旨。超擢兵部侍郎。協理京營戎政。之綸未受任時。已貸數百金。製木爲西洋大小礮。又製獨輪火車。偏廂車。獸車。皆輕捷利用。而所請弓矢器甲。主者不以時應。所招死士。又不得衣裝賞犒費。之綸以爲言。且請精兵一萬。爲進取計。帝亦不能盡從。時滿桂方

戰歿。朝廷大震。之綸冒風雪。誓師前進。越通州而東。

大清兵亦已由通州東渡。克香河。進拔永平。

副使鄭國昌自縊死。知府

張鳳奇。推官盧成功。教諭趙允殖。副總兵焦延慶。指揮張國翰。守備程應琦。皆死。而鄉官廖汝欽。及武舉唐之

俊等死者復數十人。

鄭國昌。邳州人。張鳳奇。陽曲人。

援兵皆觀望。獨之綸奮前。

約總兵官馬世龍。吳自勉。趙永平。牽制。而親率所部直抵遵化。距城八里。屯娘娘廟山。世龍等違約。

大清以三萬騎迎戰。兵交。之綸發火礮。頗有所擊傷。再發則礮炸。軍亂。左右請結陣徐退。之綸慨然曰。吾受天子厚恩。誓捐軀以報。戰不捷。死耳。敢言退者斬。乃再戰。自辰至酉。士殊死力鬪。矢盡。短兵接。之綸知不可爲。大呼曰。死死。負天子恩。解佩印付家人曰。持此歸報朝廷。俄

身被兩矢。遂死。全軍盡歿。世龍等在薊州。竟擁兵不救。
二月。立子慈。愼爲皇太子。

三月。李標罷。

標在閣稍久。頗能隨事匡益。然時方爭門戶。帝亦深疑。

朝臣有黨。遂連疏乞休去。

家居五年卒。贈少傅。諡文節。

夏五月。我

大清兵東歸。

先是我

大清兵既取遵化。永平。復拔遷安。灤州。

知州楊燦死之。

皆留兵守

之。遂分兵向山海關。守將官惟賢力戰。乃還攻撫寧。昌黎。皆不下。當是時。京師道梗。孫承宗。祖大壽在東。馬世

明代怯于用兵每視招撫
為長策正德間馬中錫奏

龍及四方援軍在西。承宗募死士沿海達京師。始知關

城尚無恙。承宗遣將成開平。營名。在灤州西南。與豐潤縣接界。明永樂初移開平。

衛于此。復建昌。營名。今改路在遷安縣東北。有城。聲援方接。我

大清復遺書議和。遂旋師。取道冷口。關名。在遷安縣東北。而歸。承宗

始復四城。先取灤州。尋復遷安。遂入永平。復遵化。

六月。流賊陷府谷。

先是陝西五鎮兵入援。延綏兵中道逃歸。甘肅兵譁而

懼誅。皆合于賊。巡撫張夢鯨憂憤死。詔以洪承疇代之。

起前總兵官杜文煥督延綏固原兵。便宜討賊。時王左

掛等方攻宜川。為官軍所蹙。文煥檄諭之。左掛及其黨

王子順。苗美等。皆請降。獨王嘉允不受撫。其別賊從神

圖之事前鑒不遠至流賊
四起伏莽漸多楊鶴受命
勦除不能迅加剪滅顧一
味主撫事皆韓匿不言已
重負委任迫賊衆詭稱降
順既不審虛實之情又漫
無制馭之法但于城樓設
座立誓山呼事同兒戲使
羣寇蔑視官軍以致癰潰
日深寢成大患其後陳奇
瑜熊文燦等復踵其謀賊
勢燎延海內遂無寧宇雖
務苟安而昧決勝當時積
習和沿迷而不悟而鶴實
縱寇之尤也

木渡河入山西陷蒲縣。

以下注俱見前。

分道東犯趙城洪洞汾

西及霍西掠石樓永和吉陽及是嘉允襲破黃甫川清

水木瓜三堡遂陷府谷據其城總督楊鶴方主撫匿不

奏遣官四出招賊于是王虎小紅狼一丈青掠地虎混

江龍等並就撫給免死牌安置延綏河曲間雖不焚殺

而淫掠如故又有神一元不沾泥可天飛郝臨菴紅軍

友點燈子李老柴混天猴

本各張應金。

獨行狼諸賊所在蠶

起官軍東西奔擊旋撲旋熾終莫能盡而延安賊張獻

忠

肩施縣柳樹澗人嘗從軍隸延綏總兵王威麾下犯法當斬他將陳洪範奇其狀貌請釋之已乃逃去。

亦聚衆據十八寨稱八大王已而降賊王左掛謀以綏

德叛承疇誅之尋又與文煥擊破獻忠于清澗獻忠遁

去。

以禮部尚書溫體仁吳宗達

武進人。中行從子。

並兼東閣大學士。

預機務。

體仁以訐錢謙益爲時論所惡。多發其陰事。

或言體仁嘗通賂崔

呈秀。杭州建逆祠。體仁作詩贈魏忠賢。又或言體仁娶娼受金。奪人產。

帝愈信體仁無黨。

周廷儒復援之。遂與宗達並入閣。

秋七月。磔前督師尚書袁崇煥。逮前文淵閣大學士錢龍

錫下獄。尋遣戍。

史莖疏言龍錫主張崇煥賣國欺君。秦檜莫過。其出都

時。以崇煥所畀重賄。轉寄姻家。巧爲營脫。帝怒。勅刑官

五日內具獄。讞上以斬帥爲崇煥擅殺議和。則龍錫未

許帝召諭廷臣于平臺置崇煥極刑籍其家無餘貲天下冤之逮龍

錫下獄令廷臣議罪時羣小麗名逆案者方日爲翻案

計堇等以龍錫故附東林欲借崇煥以及龍錫因龍錫

以及諸異已者指崇煥爲逆首龍錫等爲逆黨更立一

逆案與前案偶謀旣定溫體仁王永光主之欲發自兵

部尚書梁廷棟憚帝英明不敢任而止乃議龍錫大辟

決不待時且用夏言故事設厰西市以待帝以龍錫無

逆謀令長繫中允黃道周字幼平漳浦人復上疏申救道周忤旨貶秩

調外而帝頗感動久之帝意亦寢解乃減死戍定海衛

冬十二月增田賦

兵部尚書梁廷棟以兵食不足疏言民窮之故惟在官

民窮起于官貪廷棟所言不爲無見然未聞懲官貪而先加派民之餽額轉深所爲慳然者安在蓋明季

耗散之由自神宗礦稅征求日殷月削時閭數朝物力更無留餘之地及莊烈時大兵大疫元氣已竭盡無遺又軍興日增轉餉日絀雖藉口醫瘡并無可剗之肉卽亟允早潤之疏未必有濟况并此不能用乎

貪使貪風一息卽再加派民亦懽然帝命戶部協議尚書畢自嚴請畝加三釐于是增百六十五萬有奇合舊所增凡六百八十餘萬海內愁怨明年給事中魏呈潤

字中嚴龍溪人

疏言驛站所裁未足充餉十一而郵傳益困勢

必再編之于民山海關中外兵舊額十八萬今只十萬

八千合薊門援兵非溢原額而餉乃日增不可不稽撫

按諸臣捐貲助餉大率索之于民不可不禁帝不能用

辛未

四年春正月延綏饑遣御史吳牲

字鹿友興化人賑之

秦游饑至是大禋

山西以防河閉糴斗米銀六錢米脂清澗延長綏德之民流亡從賊者十

之七邑

幾空帝特發帑金十萬命牲往賑且撫因荒從賊者

牲用西安推官史可法

字憲之大興人

如詔書從事人便之

三月。賊神一魁等請降。楊鶴受之。一魁尋叛。

先是神一元陷保安。副總兵張應昌擊敗之。一元死。弟

一魁領其衆。圍慶陽。陷合水。

唐縣。今屬慶陽府。

鶴聞。移駐寧州。

一魁求撫。別賊金翅鵬。過天星。獨頭虎。上天龍等。亦先

後降。鶴設御座于城樓。賊跪拜呼萬歲。因宣聖諭。令設

誓。或歸伍。或歸農。賊佯許之。立赦其罪。鶴以一魁最強。

致其壻帳中。與同卧起。一魁果至。數以十罪。一魁伏謝。

卽宣詔赦之。處其衆于寧塞。鶴以賊黨茹成名桀驁。令

一魁所善劉金誘誅之。其黨懼。復挾一魁以叛。而別賊

李老柴。田近菴等。攻陷中部。上天龍。獨行狼等。復掠鄜

州。勢大熾。

一魁後爲張應昌部將所獲。誅死。

夏四月旱。

敕羣臣修省。

六月副總兵曹文詔

大同人。

敗賊于河曲。

自秦寇初起延綏以北爲逃軍爲邊盜延綏以南爲土

寇爲饑民邊盜則王嘉允土寇則王左掛爲羣賊魁已

而左掛伏誅嘉允復敗

嘉允自黃甫川勾西人入犯。洪承疇杜文煥擊破之。

竄而

入晉。

山西自河曲至蒲津千五百里與秦中接壤。河身最狹。賊渡河往來倏忽無定。

久據河曲。

文詔絕其餉道困之嘉允遁去已復自岳陽突犯澤潞。

爲左右所殺其黨共推王自用號紫金梁者爲首自用

結羣賊老猢猻曹操八金剛埽地王射塌天闔正虎滿

天星破甲錐邢紅狼蝎子塊混世王等及高迎祥張獻

忠皆聚山西而上天龍。過天星亦來會。共三十六營。衆二十餘萬。米脂人李自成。世居李繼遷寨。幼牧羊。長充法。知縣晏子賓將。驛夫善騎射。闖狠無賴。數犯置諸死。脫去爲屠。迎祥甥也。偕兄子過往依之。號闖將。與獻忠等合。

錢象坤罷。

象坤溫體仁門生也。體仁入。遂讓而處其下。然無所附。和及是。御史水佳允。鄞縣人。劾兵部尚書梁廷棟。廷棟不符旨。卽奏辨。廷棟故出象坤門。佳允疑象坤洩之。語侵象坤。周延儒惡廷棟。並惡象坤。象坤遂引疾歸。廷棟落職。

秋八月。我

大清兵圍大凌城。

遼東巡撫卬禾嘉

貴州新議添衛人。

議築廣寧義州右屯三城。孫

承宗謂廣寧道遠。當先據右屯。築城大凌河。以漸而進。

遂以七月興工。築甫竣。我

大清兵已抵城下。掘濠樹柵。四面合圍。別遣一軍。截錦州

大道。城外堠臺皆下。城中兵出。悉敗還。禾嘉聞之。與總

兵官吳襄

遼東中後所人。

宋偉合軍赴援。敗還。復夜渡小凌河。

次長山。

在錦州府錦縣東南。峯巒綿亘。四山錯列。因名。

連戰大潰。監軍道張春

字泰宇。

及副將祖大樂等被執。諸將張吉甫等戰歿。總

兵官祖大壽堅守。不敢出城。援自此絕。至冬。大凌糧盡。

食人馬。

大清屢移書招之。大壽許諾。副將何可綱不從。大壽遂殺可綱。與副將張存仁等降于我。

大清大壽言妻子在錦州。請歸設計誘降守者。遂縱歸。大

入錦州未得間而禾嘉知其納款狀具奏聞于朝帝于大壽欲羈縻之弗究也張春見執諭降不屈久之乃死

何如寵罷

如寵官禮部時貧宗婚嫁格于有司者千餘人。用如寵言。獲婚嫁者過千。帝欲族袁崇煥。以如寵言得免。及入閣。爲周延儒溫體仁所扼。連疏乞罷歸。久之卒。

九月。復遣中官王應朝等監視諸邊軍餉。張彝憲總理戶工二部。

帝初盡撤鎮守中官。委任大臣。旣見廷臣競門戶。不足

倚。乃復遣王應朝、鄧希詔等監視關寧，宣太、山西軍馬。

以彝憲有心計，令鈞校戶工二部，如涂文輔故事。

文輔魏忠賢黨。

大啟中總督太倉節慎二庫各其署曰戶工總部。

吏部尚書閔洪學。

烏程人。珪曾孫。

率廷臣力爭。帝曰：「諸臣若殫心爲國，朕亦何藉內臣？」衆不能對。然諸監率多侵剋軍貲，臨陣先走，戎務益壞。

下楊鶴獄，遣戍。以洪承疇總督三邊軍務。

御史謝三賓。

鄞縣人。

及巡按御史吳甦劾鶴主撫誤國，逮

下獄。戍袁州，以承疇代。

冬十月辛丑朔，日食。

十一月，孫承宗罷。

長山之敗，言者論禾嘉及承宗築城起釁，承宗遂引疾。

歸。禾嘉先已調南京太僕卿。遂還京。引疾歸。

閏月。登州遊擊孔有德等反。

有德與耿仲明、李九成皆毛文龍部曲。文龍死。走入登

州。登萊巡撫孫元化

字初陽。嘉定縣人。

官遼久。

孫承宗、袁崇煥俱辟為贊畫。以

前兵備推巡撫。

素言遼人可用。乃以有德、仲明為遊擊。九成亦

為偏裨。大凌圍急。元化遣有德等赴援。抵吳橋。天大雨。

雪。眾無所得食。一卒與諸生角。有德笞之。眾大譁。九成

先賫銀市馬塞上。用盡無以還。適至。聞眾怨。遂與其子

應元帥部卒劫有德。有德從之。還兵大掠。陷陵縣、臨邑。

商河。殘齊東。圍德平。既而舍去。陷青城。

元縣。今屬武定府。

新城。

亦元縣。今屬濟南府。

而新城受禍尤酷。

知縣秦三輔訓導王協中禦之。並死。初。新城邑紳士

亂兵鼓譟乃法所必誅卽其掩甲還趨亦因本無巢窟可恃余大成孫元化苟能出兵夾擊自可指顧成擒乃竟狃于招撫之謀檄所過勿行邀截使其從容直抵登州重城遽陷及劉宇烈督師進討復以撫議爲賊所愚致萊郡旋被攻圍竟不敢加遺一矢此元化等相繼逮治朱大典一意進兵不數月間悉臻蕩定可知叛卒揭竿倡亂本易剪除其得以拒守經年實由于將兵者之遲疑不進剿撫成效卽此了然彼欲懸心示以招賊者真不

象春有莊在吳橋有德屯兵其地卒或攫雞犬以食王氏子怒訴之有德有德咎卒以徇遂以激變及賊至新城以釁由王氏焚殺甚慘秦三輔三原人山東巡撫余大成江寧人聞變遣

兵往禦連敗乃移兵追賊而元化軍亦至與大成皆力

主撫檄賊所過郡縣無邀擊于是賊佯許元化降遂抵

登州元化遣將張燾率遼兵駐城外總兵官張可大

字觀

甫世襲南京羽林衛指揮發南兵拒賊戰方勝燾遽退可大兵遂敗

燾兵半降賊遣歸爲內應士民爭請弗容入元化不從

中軍耿仲明都司陳光福等夕舉火導賊自東門入城

遂陷事在明年正月元化自刎不殊與同城各官俱執惟可大

死之殺其妾陳氏自縊于署有德乃推九成爲主已次之仲明又

次之用巡撫關防檄州縣兵餉而令元化移書大成求

撫大成聞于朝。為言官所劾。帝革大成。元化職。候勘。元化尋為賊縱。航海歸。與大成俱下獄。大成論成。元化棄市。元化故與徐光啟善。光啟與周延儒圖救之。卒不得。

壬申

五年春正月。延綏賊陷宜君。鄜州。

先是降賊夜襲甘泉。河西道張允登。

漢川人。

遇害。

允登與知縣郭

永固。嬰城拒守。城陷俱死之。

及是混天猴偽為米商至宜君。知縣不

知。聽之入城。遂陷。尋復陷鄜州。兵備僉事郭應響死之。

時曹文詔方于稷山擊斬點燈子。

即趙四兒。名勝。往來秦晉沿河州縣。進犯

沁水之寶莊。莊有城。故殉難副使張銓里居也。時銓子

道濬。道澤。皆官京師。家將棄去。銓妻霍氏曰。避賊而出。

家不保。出而遇賊。身不保。等死。死于家。不愈死于野。

躬率僮僕共守。殺賊甚眾。賊不能克而退。冀北道王肇

生表曰。夫人城點燈子尋為師還。擢臨洮總兵官。乃與

文詔所敗。遁去。被獲。伏誅。

巡撫練國事。

字君豫。永城人。

總兵官楊嘉謨等。分道擊賊。

混天猴尋

為守備馬科
部卒所斬。

夏五月。以禮部尚書鄭以偉。徐光啟並兼東閣大學士。預機務。

以偉讀書過目不忘。而不能票擬。章疏中有何況二字。誤以為人名也。擬旨提問。帝駁改始悟。自是詞臣為帝所輕。遂論館員須歷外僚。而閣臣自是不專用翰林。光啟雅負經濟才。有志用世。及入閣。年已老。周延儒溫體仁專政。不能有所建白。明年。以偉光啟相繼卒。御史以二人蓋棺之日。囊無餘貲。請優卹。以媿貪墨。以偉得諡文恪。光啟得諡文定。

六月。京師大雨水。

秋。七月。以太監曹化淳提督京營戎政。

八月。總兵官曹文詔等連敗賊于平涼、慶陽。

先是文詔與遊擊左光先等分勦綏德。宜君、清澗、米脂

諸賊皆大捷。埽地王授首。神一魁餘黨紅軍友李都司

杜三、楊老柴等屯鎮原。將犯平涼。巡撫練國事檄甘肅

總兵楊嘉謨副將王性善扼之。賊走慶陽。文詔從鄜州

間道至。與嘉謨性善合。大戰西濠。若名在平涼府鎮原縣北。斬千級。

生擒杜三、楊老柴。餘黨糾他賊破華亭。華亭今屬平涼府。攻莊

浪。注見前。文詔嘉謨掩擊。縱反間。給其黨殺紅軍友。蹙敗

之水落城。在平涼府莊浪縣東南。金置縣于此。元省。追至靜寧州。注見前。賊奔

據唐毛山。在延安府保安縣西北。與慶陽府安化縣接界。遊擊曹變蛟文詔先

登殄其衆。至是可天飛。郝臨菴劉道江獨行狼李都司

等連兵圍合水。注見前。文詔往救賊匿精銳以千騎逆戰。

誘抵南原伏大起。城上人驚疑相告曰。曹將軍沒矣。而

文詔馳矛左右突。匹馬縈萬眾中。諸軍望見夾擊。賊大

敗。僵屍蔽野。餘眾走銅川橋。在安化縣西。大敗之。越日文詔

復與寧夏總兵賀虎臣。固原總兵楊騏。破賊于甘泉之

虎兕凹。會總督洪承疇師次平涼。擊斬可天飛。李都司。

降白廣恩。餘賊分竄者。文詔追蹙之。耀州錐子山。其黨

殺獨行狼。郝臨桂以降。承疇戮四百人。餘皆散遣。關中

巨寇畧盡。文詔在陝。大小數十戰。巡撫范復。詳論奏首功第一。而洪承疇抑不敘。巡按御史吳桂推

獎甚至。復詳復為上疏。兵部抑其功。卒不敘。復詳登州府黃縣人。

以朱大典

字延之。金華人。

督軍討登萊賊。

初。余大成孫元化。既論罪。朝廷以徐從治為山東巡撫。

謝璉

字君實。監利人。

為登萊巡撫。並駐萊州。

詔先命璉駐萊州。從治駐青州。調兵

食從治以駐青不足。鎮萊人心。駐萊足係全齊命。乃與璉並受事于萊。

時賊先已破黃縣。

知縣吳世揚被執。罵賊死。

世揚洛陽人。

陷平度。

知州陳所聞拒守。城破。還

不屈死。所聞文安人。

益兵攻萊。從治璉與總兵楊御蕃

肇基子。

分陴固守。久之。

外圍日急。諸援兵俱屯昌邑。不敢進。從治時以間出兵。

掩擊。頗有斬獲。而兵部尚書熊明遇惑撫議。以主事張

國臣為贊畫。往撫。諭從治毋遽出兵。壞撫局。從治力言

不可。三上疏于朝。語極切至。朝議以兩撫臣並困圍中。

乃議設總督。以侍郎劉宇烈

總竹人。

任之。統馬步軍二萬

五千。勢甚盛。而宇烈素無籌略。日遣使講撫。賊亦以撫

愚之。已而賊用元化所製西洋大礮攻城。從治中礮死。

萊城益危。越兩月。璉復為賊所誘。出城被執。時萊城已圍六月。賊

偽約降期。請文武官出城開讀。即解圍去。璉不得已。與知府朱萬年同出。獨御蕃不往。賊見璉佯叩頭涕泣。遂

擁以去。即攻城。令萬年呼降。萬年厲聲曰。吾死矣。汝等宜固守。且呼御蕃急。以大礮擊賊。萬年遂遇害。御蕃連

發礮。傷賊頗多。賊稍退。朱萬年。黎平人。于是舉朝痛憤。詔逮宇烈下獄。罷

尚書明遇。遂絕撫議。罷總督。及登萊巡撫。不設。專任大

典。督主客兵數萬。及關外勁旅四千八百餘人。合剿之。

總兵金國奇。副將斬國臣。參將祖寬。及前總兵吳襄子三桂。皆屬焉。以中宮高起潛監護

軍餉。抵德州。副將牟文綬馳救平度。殺賊魁陳有時。至

昌邑。斬國臣。祖寬為前鋒。有德逆戰于沙河。有二。一在黃縣。一在

即墨。下流俱入海。寬殊死鬪。國臣繼之。賊大敗。諸軍乘勝追至

城下。賊夜半東遁。萊州圍解。守者疑賊誘。以礮拒。起潛遣中使入諭。闔城相慶。越日。國奇等進兵黃縣。斬賊首萬三千。俘八百有奇。逃散及墜海死者無算。賊竄歸登州。官軍築長圍守之。

九月。流賊連陷山西州縣。

先是。賊將高迎祥。羅汝才。

即曹操。

張獻忠等。分道四出。連

陷大寧。隰州。澤州。壽陽。諸州縣。

與下注並見前。

全晉震動。部議

令宣大總督張宗衡。

臨清人。

駐平陽。巡撫許鼎臣。

武進人。

駐

汾州。分地守禦。已而李卑。

字侍平。榆林人。

賀人龍。

米脂人。

艾萬年

米脂人。

將關中兵至。鼎臣檄以自從。宗衡怒其不從。已。檄

之還。三將莫之適從。賊乘間入據磨盤山。

一名連枝山。在汾州府臨

縣分其衆爲三。閻正虎據交城。窺太原。邢紅狼上天龍

東。據吳城。

在汾州府孝義縣西南。戰國時魏吳起爲西河守。築此以拒秦。因名。

窺汾州。紫金

梁。張獻忠突沁州。武鄉陷遼州。

癸酉

六年春正月。命曹文詔節制山陝諸將討賊。

關中賊稍盡。悉走入山西。御史張宸極言。文詔威名夙著。今秦賊滅且盡。宜勅令入晉協勦。帝從之。遂有是命。

文詔東渡河。抵霍州。敗賊汾河。孟縣追及于壽陽。巡撫

許鼎臣遣謀士張宰先大軍嘗賊。賊驚潰。文詔追擊之。

斬混世王。餘黨爲遊擊。猛如虎。

本塞外降人。家榆林。

逐走。遇文詔

兵于方山。

在壽陽縣東北。壁立千仞。頂方一里。有池。周百步。

復敗。五臺孟定襄

壽陽賊盡平。鼎臣令文詔軍平定。備太原東。張應昌軍

汾州備太原西文詔連敗賊太谷范村榆社太原賊幾盡已而文詔復破賊澤州又襲潤城斬賊千五百有奇紫金梁老猢猻自榆社走武鄉過天星走高澤山文詔皆擊敗之賊避其鋒多流入河北

二月流賊犯畿南河北

賊自山西分道踰太行掠濟源清化鎮名在懷慶府河內縣東北為豫晉襟要修武圍懷慶官軍擊之遁走別賊復闌入西山大地

掠順德真定間大名兵備副使盧象昇字建斗宜興人力戰却

之賊遂自邢臺摩天嶺在彰德府武安縣西北與山西遼州接界西下抵武

安先是副將左良玉字崑山臨清人敗賊于涉縣之西陂及是

與賊戰武安良玉大敗河北三府所屬縣焚劫殆遍潞

王名常洪簡王翊鏐子上疏告急詔遣總兵倪寵王樸率京營兵

文詔勇銳無前威名夙著關中山右勦賊屢著成勞卽其移師會討畿南亦每戰克捷諸將之足以當賊者實無出其右且方勦以尅期平賊正宜聽其乘銳建功劉令譽乃以纖芥宿嫌撫詞妄劾實爲挾私忘公部議又不權事理輕重輒因巡按一言移之他鎮致賊徒無所畏憚日久如未幾而縱使渡河鴟張益甚悔亦何及明季重文經武以致宗社邱墟吁可怪矣

六千赴河南而以中官楊進朝盧九德等監諸將軍命曹文詔自山西移師會討文詔敗賊懷慶馘其魁滾地龍又追破老獬獬于濟源而諸將李卑艾萬年湯九州石埭人鄧玘人及良玉等會文詔兵先後與賊戰皆勝之卡幾帝勅諸將速平賊限以三月而文詔爲巡按御史劉令譽所劾調大同總兵初文詔在洪洞與里居御史劉令譽忤及是令譽按河南文詔與見語復相失令譽遂撫他事劾之部議文詔怙勢而驕調之大同賊所憚惟文詔旣去益無忌矣官軍復登州山東平

登州城三面距山一面距海其北有水城與大城相接開水門以通海舶賊恃此可走故不下及被圍久李九成出城搏戰官軍馘之于陣賊渠五已殲其二五人者李九成

孔有德。耿仲明。毛永祿。陳有時也。有時先已就戮。及是。九成亦死。氣大沮。至是。祖寬等

奪其水門外護牆。益大懼。有德載子女財帛先出海。仲

明以單舸繼之。皆遁。官軍遂入大城。攻水城不下。遊擊

劉良佐獻轟城策。匿人永福寺中。穴城置火藥發之。城

崩。官軍遂入。賊退保蓬萊閣。在府城北丹崖山下。臨海岸。宋治平中建。朱大

典招之。始釋甲。俘千餘人。自縊及投海死甚衆。有德等

走旅順。島帥黃龍遼東人。邀擊。擒毛承祿。陳光福等。斬九

成子應元。惟有德。仲明。逸去。乃獻承祿于朝。磔之。有德

仲明俱降于我

大清。

夏六月。周延儒罷。

延儒爲首輔。溫體仁欲奪其位。務爲柔佞。取悅于帝。帝漸向之。復曲謹以媚延儒。而陰伺其隙。延儒不知也。體仁與王永光欲起逆案王之臣呂純如。帝以之臣問延儒。對曰。用之臣亦可。雪崔呈秀矣。帝悟而止。體仁益大恨。會延儒子弟家人暴邑中。邑中民焚其廬。所用巡撫孫元化復陷登州。于是言路交章劾延儒。併謂其受巨盜神一魁賄。帝意頗動。體仁復嗾給事中陳贊化劾延儒昵武弁李元功。招搖罔利。且謂延儒至謂陛下爲義皇上人。語悖逆。帝大怒。下元功詔獄窮治。延儒覬體仁爲援。體仁不應。延儒大窘。引疾歸。體仁遂爲首輔。延儒既罷。

廷臣惡體仁當國。勸帝復召何如寵。如寵固辭。給事中王紹傑言。君子小人不並立。如寵瞻顧不前。體仁宜思

自處帝為謫紹傑于外。如寵卒辭不入。如寵操行恬雅。與物無競。後卒。福王時追諡文端。

秋七月我

大清兵取旅順。總兵官黃龍死之。

孔有德耿仲明怒龍邀擊。必欲報之。會鴨綠江有警。龍遣水師往援。旅順空虛。有德等遂導

大清兵襲其城。龍數戰皆敗。火藥矢石俱盡。自刎死。部將

鸞項祚臨樊化龍張大祿尚可義俱死焉廣鹿島。在奉天府寧海縣西北海中。副將尚可

喜故與龍相犄角。龍既死。亦降于

大清。自是島上勢益孤。久之將士多敗歿。諸島雖有殘卒不能成軍。朝廷亦不更置帥。以登萊總兵遙領之而已。

九月以錢士升字坤之嘉善人為禮部尚書兼東閣大學士預機

務。

士升故出錢龍錫門下。龍錫出獄。周延儒詣之。極言上怒甚。挽救殊艱。龍錫深德延儒。未幾。溫體仁至。龍錫述延儒語。且謝曰。非公等安得生。體仁佯曰。上固不甚怒也。聞者直體仁而惡延儒。士升以座主故。因歸心體仁。體仁亦以士升鄉人。遂引與共政。

冬十一月。以王應熊

字非熊。巴縣人。

何吾騶

廣州香山。

並爲禮部尚

書兼東閣大學士。預機務。

應熊熟諳典故。而性剛狠。溫體仁力援之。遂與吾騶同入閣。

賊渡河。陷漣池諸縣。分掠南陽。汝寧。遂犯湖廣。

賊盡集河北。高迎祥、李自成、張獻忠、羅汝才等俱至。左良玉、湯九州扼其前。京營兵蹙其後。賊連戰皆敗。欲逸。阻于河。大困。乃詭辭乞降。監軍內臣楊進朝信之。爲入奏。會天寒冰合。賊從毛家寨徑渡。河南軍無扼之者。遂陷澠池。伊陽。盧氏。巡撫元默靜海人督軍禦之。賊竄盧氏山中。由間道入內鄉。大掠南陽。汝寧。直走湖廣。所在告急。賊始起陝西。高迎祥最強。李自成屬焉。及渡河。自成始別爲一軍。

甲戌七年春正月。以陳奇瑜字玉鉉。保德州人總督河南。山。陝。川。湖軍務。討流賊。

初。奇瑜巡撫延綏。分遣諸將擒斬諸賊渠金翅鵬一條。

龍等。諸頭目凡一百七十餘人。最後又克延水關。一名永寧關。在延安府延川縣東南。

賊鑽天哨。開山斧。關負絕險。下臨黃河。賊恃其扼塞。屢攻不下。奇瑜潛師出。賊不意。焚其巢。

二賊俱馘。境內劇盜盡平。奇瑜威名大著。至是。賊躡豫楚。廷

議以諸撫鎮事權不一。請設大臣統之。乃進奇瑜兵部

侍郎。總督五省軍務。專辦流賊。時又以大名道盧象昇知兵。命撫治鄖陽。

賊自鄖陽渡漢。遂入四川。陷夔州。

賊渡漢。薄穀城。集六路諸賊。老獬。獬過天星等。犯襄陽。分陷紫

陽。明縣。正德中置。唐縣。今與紫陽俱屬興安州。南入四川。掠歸巴。彝陵。

等六州縣。遂陷夔州。署府事。同知何承光。貴州鎮遠人。死之。

時副使以下皆逃。承光督吏民城守。力竭。無援。城遂陷。承光整冠帶危坐。賊入殺之。自賊起陝西。

轉寇山西。河南。湖廣。四川。摧陷州縣數十。未有破大郡。

者。夔州地稱天險。及是失守。遠近震動。

賊既陷夔州。又犯大寧。知縣高

日臨被執。罵賊不屈。賊碎其體而焚之。訓導高錫及妻女。巡檢陳國俊及妻。皆遇害。又陷巫山。通江。巡檢郭贊化陣歿。指揮王永年。田實。守備郭震辰。皆力戰死。惟梁山。以里居中。書涂原集。鄉勇伏密箐間。用竹畚囊石。乘高擊之。傳毒弩矢。血濡縷輒斃。賊多死。傷遂退去。

高日臨字儼若。鄱陽人。

三月丁亥朔日食。

夏四月。山西陝西饑。

山西自去年八月不雨。至于是月大饑。人相食。陝西亦大旱。詔發帑賑之。

六月。陳奇瑜圍賊于車箱峽。

峽在興安州界。非華陰縣南之車箱谷也。

賊僞降。

奇瑜縱遣之。賊復叛。陷所過州縣。

先是張獻忠等十二營流突漢南。而別賊之入四川者。

亦以阻險復還鄖陽分其軍爲三一往河南一趨浙川

一向商南奇瑜乃馳至均州檄陝西練國事鄖陽盧象昇河

南元黠湖廣唐暉四巡撫以兵遏其四面而奇瑜偕象

昇督將士由竹谿至平利之烏林關十餘戰大破之斬

三千餘級別將鄧玘等分道擊賊復連勝擒其魁十餘

人又令參將賀人龍等追至紫陽凡八晝夜賊死者萬

餘賊見官軍盛大懼獻忠奔商維高迎祥李自成等悉

遁入興安州之車箱峽峽四山巉立中亘四十里易入

難出賊誤人其中山上居民下石擊或投以炬火且用

石塞其口路絕無所得食困甚又大雨旬弓矢盡脫

馬乏芻死者過半自成急用其黨顧君恩謀以重寶賂

奇瑜左右及諸將帥。僞請降。奇瑜意輕賊。有驕色。遂遽許之。先後籍三萬六千餘人。悉遣歸農。每百人。以一安撫官護之。檄所過州縣。具糗糧傳送。賊甫出峽。卽大譟。盡殺安撫五十餘人。屠所過七州縣。略陽賊數萬。亦來會。關中大震。

秋七月。我

大清兵入上方堡。至宣府。京師戒嚴。

我

太宗文皇帝親征察哈爾。其宰桑巴圖魯噶爾瑪濟農等率衆降。因旋師入邊。四路並進。自宣府趨應州。進略大同。克靈邱。保安。攻下城堡無數。總督張宗衡。總兵曹文詔。張

全昌等不敢戰我

大清兵下萬全左衛始班師宗衡及全昌文詔皆坐遣戍以巡撫吳甡言留全昌文詔爲援剿總兵討流賊

冬十一月逮陳奇瑜下獄以洪承疇代之

給事中顧國寶御史傅永淳交章劾奇瑜受賄縱賊詔錦衣官逮訊而以洪承疇代時賊已蔓延不可撲滅大學士溫體仁謂山西巡撫吳甡曰流賊癰疥疾不足憂也奇瑜罪當死有庇之者未幾謫戍邊

賊自陝西出犯河南

賊聚陝西至二十餘萬高迎祥李自成蹂鞏昌平涼臨洮鳳翔諸府數十州縣敗賀人龍張天禮軍殺固原道

溫體仁巧計明深貌爲公直以要結主知及在閣惟日以蔽賢植黨爲事甚至力翻閹案變亂是非而于邊計民生皆漠然置之不問已爲誤國罪首至流賊橫行日久閹帥覆轍相尋其糜潰滋深雖童孺亦知爲淪胥無日乃體仁並未聞有勦盪深謀轉指劇寇爲癰疥置隱憂于度外真不復少具人心壯烈偏聽

生奸尚加信倚崇禎十七
年之間相更五十而體仁
獨居位八年終致傾危莫
挽亡國之君各賢其臣于
體仁又何貴焉

陸夢龍

賊陷隆德。夢龍帥遊擊賀其勲都司石崇德。禦

圍不得出。夢龍大呼奮擊。手馘數人。與二將俱戰死。時
隆德令費彥方以城陷被執不屈死。費彥方字爾英
浙江崇德人。圍隴州四十餘日。洪承疇檄總兵左光先與人

龍合擊大破之。會朝廷命豫楚晉蜀兵四道入陝迎祥

自成遂竄入終南山。已而東出。陷靈寶。汜水。滎陽。時左

良玉扼新安。澠池。坐甲自保。而賊傳其且至。乃移壁梅

山。在開封府新鄭縣西北。潦水注見前。良玉實不至也。賊每營數

飽。馬一日夜馳數百里。官軍饋餉不繼。且馬少。故多畏

賊。良玉前在懷慶與督撫議不協。因是生心。緩追養寇

督撫檄調亦不時應。

乙亥

八年春正月。詔洪承疇出潼關討賊。

賊聞承疇出關。大會于滎陽。老獍獍。曹操。卓。裏眼。左金

王改世王射塌天。橫天王混十萬過天星。九條龍順天

王及高迎祥

李自成時尙與迎祥合

張獻忠共十三家七十二營

議敵官軍未決。李自成進曰。匹夫猶奮。況十萬衆乎。官

兵無能爲也。宜分定所向。利鈍聽之天。皆曰善。乃議革

裏眼。左金王當川湖兵。橫天王混十萬當陝兵。過天星

扼河上。綴河南兵。迎祥獻忠及自成略東方。老獍獍九

條龍往來策應。陝兵銳益以射塌天。改世王所破城邑

子女玉帛惟均。衆如自成言。始迎祥與獻忠並起比肩

而自成乃迎祥支黨。及是遂相頡頏。與俱東掠江北兵

單弱。霍邱先陷。

縣丞張有俊教諭倪可太訓導何炳若皆死

潁州繼之。知州

尹夢鰲

雲南太和人

通判趙士寬

字汝良掖縣人

皆拒賊不敵。投水

死。夢鰲有膂力。賊登城上。夢鰲持大刀。殺賊數十。賊至

益多。遂投城下。烏龍潭死。弟姪七人從之。士寬于城

陷後。率家眾巷戰。力竭。亦投烏龍潭死。妻

李。攜三女登樓自焚。僕王丹。亦罵賊死。致仕尚書張

鶴鳴。及其弟副使鶴騰。子大同。一門皆死。賊執鶴鳴兄

鳴于樹。皆罵。其他官紳士庶。死難者共一百三人。衛指

賊不絕口死。從師王廷俊。千戶孫升。田三震。羅元慶。田得民。王之麟。

及中書舍人田之穎。知縣劉道遠。光祿寺丞李生白。訓

導丁嘉遇。舉人白精忠。郭三杰。諸生劉廷傳。廷石。韓光

祖。及子定策。孫日曦。皆死之。有檀之槐者。護母柩不去。

與賊格鬪。殺數人。被磔死。城中婦人殉節者二十七人。烈女八人。一

時忠烈稱獨盛。城破後。亦無一人向賊乞憐者。賊怒。遂

屠之。

賊陷鳳陽。留守朱國相

榆林衛人。

等戰死。

先是。南京兵部尚書呂維祺

注見前。

懼賊南下。請防護鳳

陽陵寢不報。及是賊自壽州犯鳳陽。國相師指揮袁瑞徵呂承廕等以兵三千迎戰。頗有斬獲。俄賊數萬至。官軍敗。國相自刎死。餘皆陣歿。賊遂犯皇陵。大肆焚掠。府知

顏容暄。推官萬文英死之。容暄。漳浦人。文英。南昌人。漕運都御史楊一鵬在淮

安。遠不及救。帝聞變。素服避殿。逮一鵬下獄。棄市。賊令

樂大飲。自成從獻忠求皇陵小閹善鼓吹者。獻忠不與。

自成怒。偕迎祥西趨歸德。復謀入關。獻忠獨東陷廬江。

里居參政盧謙。命服危坐中門。賊至不動。遂殺之。舉人張受畢。尹周亦皆不屈死。屠巢無爲潛

山太湖。知縣金應元自經死。宿松。訓導扈永寧亦死焉。

夏五月。吳宗達罷。

宗達在閣。值溫體仁專政。充位而已。及是乞歸。

六月。賊復走陝西。總兵官曹文詔戰死。

初。洪承疇出關。至信陽。諸將畢會。賊見河南兵盛。復分路奔還陝西。張獻忠由英霍。取道麻城入陝。會高迎祥。李自成于鳳翔。與官軍遇。副將艾萬年。柳國鎮等戰歿。文詔聞信。急詣承疇請行。承疇喜曰。非將軍不能滅此賊。顧吾兵已分。無可策應者。將軍行。吾將由涇陽趨淳

化。爲後勁。文詔乃以三千人自寧州進。遇賊真寧。

唐縣今屬

慶陽府。

之湫頭鎮。

在縣東。卽九域志之顯聖鎮也。

從子變蛟先登。斬首五

百。追三十里。文詔率步兵繼之。賊伏數萬騎合圍。矢蝟集。賊不知爲文詔也。有小卒縛急。大呼曰。將軍救我。賊中叛卒識之。悉賊曰。此曹總兵也。賊喜。圍益急。文詔左

右跳盪。手擊殺數十人。轉鬪數里。力不支。拔刀自刎。正
遊擊平安以下死者二十餘人。賊乘勝掠地。火照西安
城中。承疇力遮之。涇陽三原間。賊不得過。文詔忠勇冠
一其死也。賊中爲相慶。帝聞之。深爲痛悼。賜祭葬。世廕
指揮僉事。有司建祠。春秋致祭。本朝賜專謚忠果。
秋七月。以文震孟張至發。注見前。並爲禮部侍郎。兼東閣大
學士。預機務。

震孟在講筵。每因事規諫。帝數逮繫大臣。震孟講魯論
君使臣以禮。反覆陳說。帝爲出尚書喬允升。侍郎胡世
賞于獄。帝嘗足加于膝。適講五子之歌。至爲人上者奈
何不敬。以目視帝足。帝卽袖掩之。徐爲引下。賊焚鳳陽
陵寢。震孟歷陳致亂之源。謂當事諸臣不能憂國奉公。

一統之朝。強分畛域。又言陛下宜行撫綏實政。先收人心。以遏寇盜。徐議濬財之源。毋徒竭澤而漁。語多切中。時弊。至是帝將增置閣臣。以翰林不習世務。思用他官。參之。召廷臣數十人。各授一疏。令票擬。震孟引疾不入。至發所擬獨當。帝特擢至發。與震孟並入閣。初至發由知縣行取。授禮部主事。累遷光祿卿。精覈積弊。多所釐正。遂受帝知。旋陞刑部右侍郎。明代自世宗朝許讚後。由外僚入閣。自至發始。

賊復東犯。總兵官尤世威榆林衛人敗績。

賊爲洪承疇所遮。獻忠將由監田走盧氏。復扼于世威。仍入商雒山中。參將徐來朝所部三千人。不肯入山。大譟賊至。來朝逃。一軍盡歿。世威軍暴露久。大疫。與賊戰。

失利敗走。賊遂出關分十三營東犯。惟高迎祥、李自成

留陝西事。聞命解世威任。

後宣大總督盧象昇言。世威善撫士。曉軍機。徒以數千客

旅。久戍荒山。水土失調。疾疫大作。遂致失利。今當用兵時。棄之可惜。乃命赴象昇軍自效。

八月。以盧象昇總理江北、河南、山東、湖廣、四川軍務。討流賊。

賊已蔓延半天下。洪承疇一人不能顧。乃擢象昇總理承疇辦西北。象昇辦東南。尋進象昇兵部侍郎。加總督山西、陝西。賜尚方劍。

九月。洪承疇破賊于渭南。

象昇既加總督。詔令督關外。而承疇督關中。時迎祥自成亦分兵迎祥。畧武功。扶風。以西。自成略富平、三原。以

東承疇遣將追自成小捷至醴泉賊將高傑米脂人通于

自成妻邢氏邢氏趙武多智掌軍資每日支糧仗傑輒過氏營分合符驗氏偉傑貌與之私通

懼誅挾之來降承疇復身追自成大戰渭南臨潼自成

大敗東走迎祥亦屢敗東逾華陰南原絕嶺與自成偕

出朱陽關左陝州盧氏縣西與獻忠合

王應熊罷

應熊為楊一鵬所取士一鵬得罪言者并劾應熊遂引

罪乞歸

冬十一月何吾騶文震孟罷

震孟與溫體仁不合給事中許譽卿以鳳陽皇陵被焚

劾體仁誤國體仁憾甚會有劾譽卿為人營求遷擢者

體仁擬旨斥譽卿爲民。吾騶震孟力爭。帝責二人徇私
撓亂並罷之。體仁伎橫而中阻深所欲推薦陰令人發
端而已承其後欲排陷則故爲寬假中上
所忌激使自怒帝往往
爲之移初未嘗有迹。

賊陷陝州攻洛陽。

賊薄閿鄉左良玉祖寬禦之不克遂陷陝州攻洛陽良
玉從巡撫陳必謙赴援獻忠走嵩縣迎祥自成走偃師
鞏縣略魯山葉縣陷光州會象昇自湖廣帥師至合寬
等擊敗之于碓山。

丙子九年春正月盧象昇敗賊于滁州。

是時賊勢猖獗諸將率畏懼不前象昇每慷慨灑泣激
以忠義軍中嘗絕三日餉象昇亦水漿不入口以是得

將士心戰輒有功。時師次鳳陽。諸將來會。象昇乃上言曰。賊橫而後調兵。賊多而後增兵。是爲後局。兵至而後議餉。兵集而後請餉。是爲危形。况請餉未敷。兵將從賊而爲寇。是八年來所請之兵皆賊黨。所用之餉皆盜糧也。又言。總督總理宜有專兵專餉。請調咸寧甘固之兵屬總督。薊遼關寧之兵屬總理。又言。各直省撫臣俱有封疆重任。毋得一有賊警。卽求援求調。不應則奈越也。分應之。何以支持。又言。臺諫諸臣。不問難易。不顧死生。專一求全責備。雖有長材。從何展布。臣與督臣有勦法。無堵法。有戰法。無守法。其言皆切中事宜。而朝廷不能盡用也。會迎祥圍廬州。不能破。分道陷含山。和州。知州黎宏

業訓導唐正諫。在籍御史馬如蛟皆死。之。宏業順德人。如蛟字騰仲。州人。進圍滁州。象昇

聞警。卽率總兵祖寬遊擊羅岱軍馳抵滁城下。鏖戰。賊

大潰。追斬無數。伏屍蔽野。滁水赤流數里。賊乃趨鳳陽。

圍壽州。突頴霍蕭錫靈璧虹。窺單曹。總兵劉澤清。曹州人。

拒河。乃掠考城儀封而西。其犯亳者折入歸德。永寧總

兵官祖大樂邀擊之。賊乃北向開封。陳永福敗之。朱仙

鎮賊遂走登封。與他賊合。分趨裕州。南陽。象昇合寬大

樂岱兵大戰七頂山。亦曰七峯山。在裕州北。殲自成精騎殆盡。

以前禮部侍郎林鈺原官兼東閣大學士預機務。

初鈺以忤魏忠賢去。忠賢誅起官至禮部侍郎謝病歸。

至是與劉宗周同召見。帝問人才兵食及流寇狀。宗周

言陛下求治太急。用法太嚴。布令太煩。進退天下士太輕。故有人而無人之用。又問兵事。宗周言。禦外以治內。爲本。願陛下以堯舜之心。行堯舜之政。則天下自平矣。帝迂其言。命鈺以原官入閣。

二月。山西饑。人相食。

寧夏兵亂。殺巡撫王楫。

泰安州人。

寧夏兵苦饑。楫不能措餉。兵譟而殺之。副使丁啟睿

永城人。

捕斬首惡六人乃定。

以武舉陳啟新

淮安人。

爲給事中。

啟新上書言。天下有三大病。士子作文。高談孝弟仁義。及服官。恣行奸慝。此科目之病也。國初典史授都御史。

明祚至此已非空談科目。資格考選諸具。文所能稱。補萬一。況啟新以武舉上書其疾視科目資格考選。

而冀得一逞其自薦之私
固不待智者而辨蓋由奸
人逆窺莊烈之意以一時
宣竇積習中外迄無足倚
之人因而緣人咎法謂一
切取士程材都無實濟是
以言者聽者猝如針芥之
投迨至敗檢逃官爲世笑
柄固自無足深責耳

秀才授尚書嘉靖時猶三途並用今惟一途一舉進士
橫行放誕此資格之病也舊制給事御史教官得爲之
今惟用進士知縣監司郡守承奉不暇此行取考選之
病也請停科目罷行取考選以除積弊蠲災傷田賦以
蘇民困專拜大將以便宜行事帝大悅擢吏科給事中
朝士深惡之紛然論劾帝皆不聽後啟新以受賕匿喪
削籍下撫按追贓竟
逃去

三月賊高迎祥李自成復入陝

迎祥自成自敗于象昇後分部再入陝迎祥由鄖襄趨
興安漢中自成由南山穿商維走延綏犯鞏昌北境諸
將左光先曹變蛟破之自成走環縣未幾官軍敗于羅

家山。在興寧縣東。盡亡士馬器仗。總兵俞翀霄被執。自成勢

復振。

夏四月。我

太宗文皇帝建國號曰大清。改元崇德元年。

我

太宗文皇帝纘承丕緒。勵精圖治。規模宏遠。伐叛撫降。平定察

哈爾。先是遼東有鷄鳩來集。此鳥乃西北蒙古所產。人皆謂蒙古歸順之兆。既而我

大兵西征。察哈爾至西喇珠爾格。索諾木台吉等率眾請降。遂進至林丹汗子額哲所居之托里圖。按兵不動。遣人往諭額哲之母。遂偕其子舉

國歸附。并獲元代所遺傳國璽。及薩哈勒察。卦勒察。瓦

爾喀。呼爾哈。暨蒙古各部落。靡不懷德畏威。稟承教令。

攻城畧地。所向成功。國勢滋隆。人心嚮附。諸目勒大臣

等請上尊號

太宗文皇帝固辭不允。諸臣再三陳請。乃受。

寬溫仁聖皇帝尊號。建國號曰大清。改元為崇德元年。時制度大備。營

建

天壇太廟。悉

如典禮。復定宮殿名。正殿為崇政殿。後為清寧宮。臺東樓為翔鳳樓。臺西樓為飛鳳閣。大殿為篤恭殿。建制壯麗。規模宏遠。百司官舍。皆以次備列。一日

太宗御

翔鳳樓。召諸王大臣入。令從官讀金世宗本紀。因諭之曰。金太祖太宗。法度詳明。可垂久遠。至熙宗赫拉及完

顏亮之世。盡廢之。盤樂無度。效漢人之陋習。世宗即位。勤求治理。屢以無忘祖宗為訓。衣服言語。悉遵舊制。時時練習騎射。以備武功。雖垂訓如此。後世之君。漸至懈廢。忘其騎射。至于哀宗。國遂滅亡。乃知凡為君者。耽于酒色。未有不亡者也。爾等其謹識之。

罷錢士升。削御史詹爾選。

字思吉。撫安人。籍。

時溫體仁以刻覈導帝。士升獻四箴。大指謂寬以御眾。

令富戶報名輸官與禦人
國門何異當時覈田增賦
方以峻令苛求小人希指
生風遂敢以搜括之策肆
行入告錢士升擬旨提問
亦欲加懲創以警妄言耳
乃莊烈覽疏既斥以沽名
復聽其引退初不以括富
為非故轉舉立言逆耳國
粹貼危尚不知為閭閻留
一緩元氣非自促喪亡而
何

簡以臨下。虛以宅心。平以出政。帝優旨報聞。而意不悅。有武生李璡者。請括江南富戶。令報名輸官。士升擬旨下刑部提問。上疏言。郡邑有富家。固貧民衣食之資。未嘗無益于國。周禮荒政十二。保富居一。今秦晉楚豫已無寧宇。獨江南數郡稍安。此議一倡。無賴亡命。相率而與富家為難矣。帝報曰。即欲沽名。前疏已足。前疏謂四箴也。士升引罪乞罷。許之。爾選謂輔臣不當以進言去。因言帝行一切苟且之政。帝面加詰責。命錦衣提下。爾選叩頭曰。臣死不足惜。願陛下姑留臣言。以為他日思。帝大怒。諸臣力救。乃斥為民。

六月。林鈺卒。以孔貞運

池州建德人。

賀逢聖

字克繇。江夏人。

黃士俊

廣東人。

順德人。並為禮部尚書兼東閣大學士預機務。

逢聖性廉靜。初官翰林。湖廣建魏忠賢生祠。或傳上梁文出逢聖手。忠賢詣謝。逢聖曰。無之。借銜陋習爾。翼日遂削籍。帝卽位召還。至是與貞運士俊俱入閣。三人皆不能有所匡益。

秋七月。我

大清兵入塞。

大清兵入喜峯口。

巡關御史王肇坤拒戰死。

由間道至昌

平。

總兵官巢丕昌降。督餉主事王桂。趙悅署州事。通判王禹佐學正解懷亮。訓導常時光守備咸貞吉皆死。

之。

王桂。

連下畿內州縣。

下順義知縣上官蓋自縊。遊擊治國器指揮蘇時雨訓導。

黃岡人。

陳所蘊皆死之。下寶坻知縣趙國鼎與主簿樊樞典史張六師訓導趙士秀同死。下定興在籍太常少卿鹿善

樂不屈死。教諭熊嘉志亦死之。下安肅。知縣鄭延任。與妻同殉。教諭耿三麟亦死之。上官蓋字忠赤。曲沃人。

趙國鼎。山西樂平人。熊嘉志。灤州人。鄭延任。臨清人。耿三麟。靈壽人。乃詔諸鎮兵入援。給

事中王家彥。莆田人。以陵寢震驚。劾兵部尚書張鳳翼。鳳

翼自請督師。命與中官羅惟寧。宣大總督梁廷棟相掎

角。然皆不敢戰。

陝西巡撫孫傳庭。

字伯雅。振武衛人。

擊高迎祥于盤屋。擒之。送京

師。伏誅。

傳庭代洪承疇為巡撫。銳意滅賊。賊首整齊王據商維。

傳庭檄副將羅尚文擊斬之。又督賀人龍等擒迎祥于

黑水峪。

一名芒谷。在盤屋縣東南。

獻俘闕下。磔死。賊黨乃共推李自

成為闖王。

諭廷臣助餉。

未幾。又括勛戚文武諸臣馬。開銀鐵銅鉛諸礦。

八月。唐王聿鍵

太祖九世孫

起兵勤王。廢爲庶人。錮之。

先是流賊起。王勍金築南陽城。又援潞藩例。乞增兵三千人。不許。至是。京師戒嚴。王倡義勤王。詔切責之。行至裕州。與流賊遇。亡其內豎二人。事定。下部議。廢爲庶人。幽之鳳陽。

我

大清兵東歸。

九月。以盧象昇總督宣大山西軍務。

象昇奉詔入衛。至已解嚴。會梁廷棟卒。命代爲總督。宣

大素苦缺餉。象昇乃大興屯利。行二年。積穀至二十萬。帝諭九邊奉以爲式。

冬十月。削前工部侍郎劉宗周籍。

宗周累疏陳時政。語多激切。爲溫體仁所忌。請告去。至天津。聞京師被兵。留不行。上疏極言體仁奸邪。致刑政乖舛。及宦官不宜總軍務。凡數百言。帝怒。斥爲民。

